

Handwritten text, likely a title or description, in German script, including the year 1691.

550
550

✓ 00 ✓

155. Nr. 744.


Abzüge in. vork. 2. Hef.

K. VII. 81.

Zwey Lehr
vñ Trostryche Gespräch!

von Außerstendnuß des
fleischs / vnd ewigem
Leben.

Johannsen Brandmüllers.



Getruckt zu Basel / bey
Samuel Apiario.

M. D. LXXXIIII.

Dem Edlen vnd Wolgebor-
nen Herren Johanni Smolsky/
Herrn zu Prawiedniky zc Wunscht
Johan. Brandmüller alles güts
in Christo Jesu.

Seweil ich/ Wolgeborner Herr/
dise zwē Dialogos vor etlichen Jarē
der Christenlichen Kirchen in einer gemein-
zügeschriben hab/ vnd L. S. auch ein
glied ist der selbigen / vnd mit Gottes gnad bleiben
will / hab ich sy jetz mit nammen vnd in sonderheit/
nach dem sy zum anderen mal / vnd vmb etwas corri-
giert / vnd besonders allein in einer kleinern form ge-
druckt werden / ewer G vber schicken wollen: Das
sy die selbigen auch lese / vnd das darumb / das ich ges-
pür vnd sihe / das ewer G. ein besondern anmüt
zu mir kleinsügen diener des Worts / vnd zu vnserer
Kirchen hat. Gott der allmechtig Vatter wolle L.
S. bey seinem heiligen vnd heilsammen wort / alles
got gnediglich erhalten / vnd endlich vß diser zeit ses-
liglich scheiden lassen / Amen. Darum zu Basel/
nach Christi Jesu Geburt 1583. den 3. Augusti.



[Faint, illegible handwritten text]

[Faint, illegible handwritten text]

[Faint, illegible handwritten text]

[Faint, illegible handwritten text]

Ein Gespräch / von dem eilff-
ten Artickel vnsers Glau-
bens / sampt seinen nachuol-
genden Früchten.

Jacob vnd Hans.

Jacob. Frid sey mit dir/
Brüder Hans. **H.** Er mehre 1. Pet 1
sich bey vns allen / durch die erz-
kantnuß Gottes / vnd Jesu Chris-
ti vnsers lieben Herren / der für
vns nicht allein gestorben / sonder auch von
den toden wider auffstanden ist / auff das
wir nicht allein verzeihung der Sünden erz-
langē / vñ also in disem lebē hernach durch sie
erstlich mit der seel / sonder auch am letzten tag
mit dem leib auffstehen möchten / vnd das
zu dem ewigen leben. **J.** Du gibst mir hie ans-
laß zu fragen von den Früchten der zweyen
ersten Articklen vnsers heiligen Glaubens.
Derhalben thu so wol / vñ erzell mir zum
ersten die Frucht vnd werck / bey welchen ich
spüren vnd mercken mög / ob ich von hertzen
vnd in der Warheit glaube oder nit / den Art-
ickel von Auferstehung des Fleisches. I.
H. Befindest du bey dir selbst ein rechtschaff-
nen hunger oder durst nach der gerechtigkeit /
vnd woltest von hertzen gern deiner Person

Ein Gespräch von

halb nüchtern vnd züchtig / gegen Seinem
Nächsten auffrecht vnd redlich / gegen Gott
dem Herren Gottseliglich Leben / handeln
vnd wandlen / vnangesehen was dir zeitlich
Drob begegnet mag / so ist es ein gut zeichen /
das du glaubst auch deines Leibs (wenn er
gleich stirbt vnd begraben wirt) ein fröliche
vnd selige auferstentnuß. Dann sag mir
eins Jacob / Wenn du zünacht in ein Herz
berg kämst / in welcher zwo schlaffkammeren
weren / in deren einer du schlaffen müstest :
Die ein aber were dermassen vergiffet / das
ein jeder / der darinn vbernacht schlaffen wol-
te / morgens todt franck sein müst : Die ander
aber so Gesund / das alle die darinn ligen /
morgens tags etwas frefftiger vnd gesun-
der wurden : Welche vnder disen zweyen
kammeren woltest du erwölen / darinn zü rühs-
wen vnd zü schlaffen : Ja. Die / darinn ges-
sunder lufft vnd guter geschmack ist. Ich
wer doch wol ein grosser Narz / wenn ich mich
in die vergiffte vnd stinckende kammer legen
ließ / vnd ich zü vor wüßte vnd glaubte / wie es
mir gehn würd auff den morgen. B. Wenn
du aber nicht allein vngessen müstest nider-
gehn / vnd doch dem Haußwirt treulich vmb
die Herberg dancken / vnd seinen Kinden vñ
dem gesund etwas schencken : Vnd ober das
die giffrige kammer vil hüpscher vnd schöner
gemalet were / dann die ander : J. Daran
l&g

Wistende des Fleischs.

låg vberal nichts. **B.** Nun so wiß (wie auch Job bekennet) das dich der Herr dem tod **Job. 30.** vberantworten wirt / da allen Lebendigen herberg bestelt ist. Dann wir sterben all des tods vñ verfließen wie das wasser in die erden verschleufft / dz man nit auffhebt / als dozt die fraw von Thekoa zum König Dauid sprach: **2. Sam. 2.** Vnd solches der Apostel auch bezeugt mit disen Worten: Den menschen ist gesetzt ein mal züsterben / darnach aber das gericht. Wenn du aber schlaffen gehn / das ist sterben must / so wirst du eintweder eins sollichē tods sterben / von welchem du widerumb erwachen vñnd erstehn wirst / zü ewiger schmach vñnd schand: Oder aber eins sollichen / von welchem du erstehn vñnd auffwachen wirst zum ewigen Leben. Dann es kompt die stund (spricht Christus) in welcher alle die in den gräbern sind / werden meine stumm hören / vñnd werden herfür gehn / die da guts gethan haben zur aufferstentnuß des lebens: Die aber vñbels gethan haben / zür aufferstentnuß des Gerichts. Weil dem nun also ist / vñnd solliches nit allein der Psalmist in disen zweyen sprüchen auch beweiset / da er sagt: Der sünd der vñd Gottlosen tod ist ein böser tod: Dañ die den Frommen hassen werden außgerützet: Item: Theur vñnd köstlich ist in den augen des Herren der tod seiner biderben leuten / oder seiner heiligen: Sonder auch das **Luc. 16.**

Ein Gespräch von

- Luc. 16. Exempel Lazari vnd des reichen Manns/
Beschreiben die beschreibung des Jüngsten
Matth. 25. Gerichts / an welchem die vngerechten in die
ewige pein gehn werden / die gerechten aber
in das ewig leben / wie der Richter der lebendigen vnd der todten selber anzeigt hat : Von
welches Richterstul wir alle müssen offenbar
werden / auff das ein jetlicher empfahe an seinem
2. Cor. 5. leib / nach dem er gehandelt hat / es sey
güt oder böß. Dañ es wirt je geschehen (als
das Euangelion Matthei bezeuget) das des
Matth. 16. Menschen Sohn komme in der Herzlichkeit
seines Vatters mit seinen Englen / vnd als
denn wirt er vergelten einem jedlichen nach
seinen wercken. Weil dem also ist (sag ich)
vnd du es vestigklich glaubest / vnd durch den
glauben vorhin weist / das es der gestalt / vnd
nicht anders ergehn werde / woltest du denn
nit / Brüder Jacob / dich lieber vnd ernstlicher
des güten (Gott geb wie sawr vnd herb es
Rom. 6. dich ankomme) befeissen / dann des bösen /
vnd die glider deines leibs als mehr vnd vil
lieber zu dienst der Gerechtigkeit ergeben /
dann zu dienst der vngerechtigkeit vnd bößheit /
auff das du am Jüngsten tag seligklich
zu ewiger fröud aufferstehn möchtest / vnd
nit zu ewiger verdammnuß ?
- O Das ein jetlicher vnter vns mit Paulo
auch warhafftigklich sagen köndte / wie er
Acto. 24. dort zum Landpfleger Felix sprach : das bes
kenn

Aufferstetnuß des Leibs.

kenn ich dir / das ich nach diesem weg den sie
ein Sect heissen / diene ich also dem Gott meina
ner Vetter / das ich glaub allem was geschria
ben steht im Gesetz vnd in den Propheten.
Vnd hab die hoffnung zu Gott / auff welche
auch sie (die Juden) selbst warten / nemlich /
das zukünftig sey die aufferstetnuß der tota
ren / der gerechten vnd vngerechten. In dem
selben aber übe ich mich zuhalten ein vnuer
lezte gewissen allezeit gegen Gott vnd den
menschen / zc. Dann wie können wir sonst
mit frölichem hertzen warten auff die selige
hoffnung / vnd erscheinung des grossen Gots
tes vnd vnseres Heilands Jesu Christi / der
vnser Leib von den todten aufferwecken wirt /
wenn wir vns durch sein Gnad nicht vnder
weisen lassen / das wir das vngöttlich wesen
vnd die weltlichen lust verleugnen / vnd züch
tig / gerecht vnd Gottseliglich leben in diser
zeit? Das ist / wie der Herz redt / nicht güt
thun? Dann das ist gut (als der Prophet
meldet) vnd das der Herz vom menschen erz
forderet / nemlich / das recht vnd billich thun /
lieb haben freundliche vnd gutthat / vnd des
mütig wandlen vor seinem Gott. Von wels
cher demütigen vnd rechtschaffner liebe vnd
freundlichkeit auch der Herz redt / vnd also
spricht: Wenn du ein Mal machest / so lad die
armen / die krüppel / die lammen / die blinden /
so bist du selig. Dann sie habens dir nicht

Tit. 20

Miche.

Luc. 14

Ein Gespräch von der

zuuergelten. Es wirt dir aber vergolten wers
den in der auferstehung der gerechten. Jac.
Das wirt ohn zweiffel ein köstliche widergel-
tung sein? B. ohn allen zweiffel. Aber es
sind wenig die es von hertzen glauben / wies
dann der Herz nach den selben worten auch
weitleufftig bezeuget. J. Welche sind denn
die es nit glauben? B. Die nit bey zeit von
der lincken hand Christi des richters umbher
lauffen zu der rechtē / das ist / die in vergeßlig-
keit der liebe / vnd vnterlassung des guten ver-
bleiben / wie die vermaledeyten Böck : Vnd
sich nit freuntlich vnd wolthetig gegen dem
Nechsten erzeigē / wie aber die Gebenedeytē
Schaaff Christi. Ja in seiner armüt vnd el-
lend in verachten vnd verspotten. Desßhalb
Cap. 4.5. sie Gott auch verspotten wirt / als der weißs
mann sagt : welcher auch weiter im Buch
der Weißheit von irem jamer schreibt : vnd
spricht: Denn (das ist am tag der auferstents
nuß des fleischs vnd letzten gerichtes) werden
die frommen in grosser standhafte stehn wis-
der die / die sie getrenckt vnd jr arbeit hingen-
ommen haben. So sie es sehen werden / wirt
sie ein grausamer schreck ankomen / vnd ein
verwundernuß ab dem schnellen vnd vnsür-
sächnem heil. Dann werden sie achtzgen
auß angst ires gemüts / vnd in inen selbs ges-
dencken / rewende vnd seuffzende von grosser
angst ires gemüts : Das sind die / die wir vor
zeiten

Aufferstentnuß des Fleischs.

zeiten für ein gespött gehabt / vnd mit denen wir vnseren spott vnd schmachred getriben haben. Ach wie sind wir so töricht gewesen / haben gemeint jr leben sey ein vn Sinnigkeit / vnd jr end sey ohn ehr. Sich wie sind sie jetz vnder die Kinder Gottes gezelt vnd haben jren theil mit den frommen / wir sind von dem weg der waarheit weit jrz gangen / der glast der frömkheit / hat vns nit geleuchtet / vnd die Sonn des verstandts ist vns nicht auffgangen. Müdt sind wir worden im weg der bößheit vnd verderbnuß: Schwere weg sind wir gangen / von dem weg des Herzens haben wir nichts gewißt. Was hat vns nun vnser hochfart nutz bracht? oder was hat vns genutzt der pracht vnserer reichtragen? Die Ding seind alle hingangen wie ein Schatten: vnd was weiter am selben ort folget.

Ja. Was wirt der glaub an disen Artickel von der aufferstentnuß des fleisches ferner mit sich bringen. **B.** Nit allein heiligkeit vñ reinigkeit des Geists / sonder auch des fleisches / vnd aller glideren des leibs. Dann welcher wolt sich nit schemē des mißbrauchs vnd der befleckung seines fleisches / weñ er gedencft mit gleubigem hertzen / das sein fleisch sol aufferweckt werden / vnd vor dem Gerichte Gottes erscheinen / vnd daselbst empfahen nach dem das in dem selben vnd durch dasselbig gehandelt ist? **B.** Hettest du nur fattig

II.

Ein Gespräch von der

hend / ja beschissene schuh oder kleider / du dörstest kaum für ein ersamm Gericht hie auff erden treten. Wie vil minder würdest du dan deine glider zu waffen der vngerechtigkeit / oder zu dienst der vnreinigkeit begeben / wenn du vestiglich glaubtest / das du dormalen eins vor dem obersten richter Christo / vnnd vor allen seinen heiligen vnd außewöhlten Englẽ erscheinen müst?

Bucer. Ja wer das eigentlich glaubte vnd alle zeit bedechte / das vnser Herz Jesus disen vnseren sterblichen vnnd arbeit seligen leib / will noch zu solchen Himlischen ehren bringen / das er sol nit nur wider lebendig / sonder seinem clarificierten leib ehnlich werden : Wie solte der nit söllichen Heiligen Tempel der ehren Gottes / seinen vnd auch anderer menschen Leib / getrewlich vor allen sünden vnd schanden bewahren / vnd zu aller zucht vnd heiligkeit fürderer? Brecht man dir ein Wagen vol mit scheitteren holtz / Jacob / vnd vnter den selben etliche schöne / grade vnd breite scheitter / auß denen etwas breuchlichs im Haus zu schnitzlen oder etwas guts zumachen were / würdest du es mit den anderen auch zerhauen / zergengen vnd verbrennen lassen? Jac. Man sind manchen / der es nit gern nur ein wenig im faat ließ vmbsalben vnd schleiffen / ich will geschweigen / zerhauen oder verbrennen. S. Wolan geschicht denn nun etwan
einem

Wistende des Leibs.

einem vnbehobleten vñ vngeformierten holtz
ein sölliche ehr / von wegen das man etwas
nuzlichs darauß machen mag / dem es doch
noch niemen gleich sieht : Warumb solt dann
einem von Gott geschaffnen vnd geformier-
ten leib / ob er schon noch verwesentlich / vnnd
schwach ist / nicht auch ehr geschehen vmb des
willen / das er / ja eben der / vnd kein anderer
der tagen eins sol vnuerwesentlich / in der her-
ligkeit vnd in der krafft aufferstehen ? Jaco.
Was sol man aber dem leib für ehr anthun ?
B. Des leibs ehr / ist sein reingkeit vnd heil-
ligkeit. Von welchem Paulus also schreibt :
Das ist der will Gottes / ewer heiligung / das
ir euch enthaltet vor Hurey / das ein jetlicher
wisse sein faß zubehalten in heiligung vnnd
ehr / nit in fleischlichem lust / wie die Heyden /
die von Gott nichts wissen. Vnnd das nie-
mandts vbergange / noch verforthteile seinen
Bruder im handel / 2c.

3. Was sol man denn halten von denen
die ihren leib geschenden / mit Hurey vnd ehe-
bruch / sauffen vnd fressen / vnnd anderen vn-
reinen lasteren / durch welche auch der Men-
schen leib befleckt vnd heßlich gemacht wirt ?
B. S. Paul schleust sölliche auß vom reich
Gottes. Darauß nun folget / das sie kein
rechten glauben haben. Dann glaubten sie
recht / so wurden sie selig / vnd deshalben nit
außgeschlossen von Gottes reich. 3. Wenn

nun

Musen lxx
1. Thes.

1. Cor. 6.
Eccl. 31.

Gal. 5.

Ein Gespräch von der

nun auff die weiß dem leib ehr geschicht / wie
du gesagt hast / so ist das ein ehrlose vnd schät
liche ehr / da man ein anderen ehret mit zu
Eccles. 31. trincken / vnnnd ein anderen voll vnd toll ma
chet / vnd die mannheit mit wein sauffen / wis
der die lehr des weisen manns / erzeugen wil?
B. Ja freylich. Es halte dise ehr die welt was
für sie wölle. S. Paul aber redt vil anders
daruon. Dann vil wandlen (spricht er) von
welchen ich euch offte gesagt hab / nun aber
Philip. 3. sag ichs auch mit weinen / die seind des Creus
tes Christi / welcher end ist die verdammnuß:
vnd denen der Bauch ein Gott ist / vnd jr ehr
wirt züschandten / deren die auff irdisch ges
sinnet sind. Unser Burgerschafft aber ist im
Himmel / von dannen wir auch warten des
Heilandts Jesu Christi des Herzen / welcher
wirt verklären vnseren irdischen leib / das er
gleichförmig werde dem leib seiner Klarheit /
nach der Wirkung / mit deren er mag auch als
le ding im vnterthan machen.

III. 3. Haben die gleubigen auß disen woz
ten des Apostels nicht auch etliche zeichen züs
nehmen / auß welchen sie erkennen mögen /
ob sie einer seligen vnd herzlichen aufferstents
nuß ihres leibs gewertig seyen / oder nicht?
B. Ja sie haben. Dann erkennen vnnnd bez
kennen sie von Herzen / das sie Gest vnnnd
frömbdling auff erden seyen / vnnnd Burger
Heb. 11. im Himmel / vnnnd suchen was daoben ist /
da

Aufferstentnuß des Leibs.

Da Christus ihr schatz ist / sitzende zu der ges
rechten Gottes: Sind gesinnet des / das das Colos. 3.
oben ist / nicht des das auff erden ist: tödten
jre glider die auff erden sind / Hurey / vnreis
nigkeit / lust / böse begird / vnd den geitz: stehn
auff mit Christo / vnd vberkömen theil an der Apo. 20.
ersten aufferstentnuß: Richten sich mit aller
zucht vnd heiligkeit zu dem fünfftigen Him
melischen leben / setzen allen jren lust / fröud /
vnd seligkeit ins fünfftig: So ist es ein trefe
fenlich gütz zeichen.

Welcher wolt nicht auch alles das man
lich dulden / das jm am leib hie immer zuleis
den zukömen mag / wenn er hört vnd von herz
zen glaubt / das sein nichtiger leib sol am tag
der aufferstentnuß dem verklärten vnd Him
melischen leib vnseres Herren vnd Heilands
Jesu Christi gleichförmig werden? Wer wolt Rom. 5.
sich nit vil mehr rhümen / dan schämen d trüb
salen die er leiden muß im fleisch / vorab so er 1. Pet. 4.
leidet als ein Christ? Wer wolt darab angsts
hafft werden / so er getrengt wirt? Oder vers
zagt so er arbeit leidet? Oder vmbkommen /
so er vnderdruckt wirt? Sann vnser trübsal
(spricht S. Paul im namen aller rechtgleubis
gen) die zeitlich vnnd leicht ist / schafft ein es 2. Cor. 4
wige vnd vber alle maß schwere herzigkeit /
vns die da nit auffsehē auff das sichtbar / sonz
der auff das vn sichtbar. Vnd an ein andern
ort: Denn ich halt es dafür / das diser zeit leis
den /

IIII.

Ein Gespräch von der

Rom. 8. Den/ Der herzigkeit nicht werd sey/ Die an vns
sol geoffenbaret werden.

V.

Nicht allein aber werden die gleubigen/ Die
ein fröliche aufferstentnuß ires fleischs hof-
fen / gedultig sein in allem Creutz vnd leiden/
sonder auch in sollicher gedult verharren biß
in den tod/ ja gern mit gesundem leib sterben
vmbß Herzen willen (wo es sein sol) wie das
gethan haben alle heilige marterer/ vnd hiez
mit iren glauben an disen Artickel herzlich bes-
kennt vnd bestetiget. Dann was wer sie sonst
not angangen/ das sie so jemerlich vñ vor der
welt so schandlich (aber ehrlich vor den aus-
gen Gottes vnd aller Gottes Kindern) sich
hetten vñbringen vñnd tödten lassen / wenn
nicht ein aufferstentnuß der todten were/ vnd
einander leben nach disem/ darauff sie gehof-
fet haben? Dañ so die todten nit aufferstehn/
vñnd wir allein in disem leben auff Christum
hoffen/ so sind wir (spricht der Apostel) die
ellendesten vnder allen menschen. Nun aber
ist ein aufferstentnuß des fleischs (Dann auch
Christus von den todten auffstanden ist/ vñ
der erstling worden vnter denen die entschlaf-
fen sind) wer wolt dann sein leben nicht gern
verlieren vnd sterben / so es der will Gottes
also ist (Dem niemandt widerstreben sol) anz-
gesehen das wir im todt nit werden bleiben/
wie auch Christus darinn nicht bliben ist.
Durch dise hoffnung (der aufferstehung nem-
lich

1. Cor 15.

Eceli. 41.

Wistende des Fleischs.

lich des fleischs) sind dort gar mannlich vnd
tapffer gestorben vmb des gesezes Gottes ^{2. Mach.}
willen / die siben Söhn sampt irer mutter / vñ
denen in anderen buch der Machabeeren ges
schriben steht. Dann also lesen wir daselbst
vnter anderem: Die mutter aber / die vberaus
fürtrefflich was / vnd würdig / das man jr zu
gütem gedencke / die sahe ire siben Söhn in eis
ner stund sterben / vñnd leids standthafftig
vmb der Hoffnung willen / die sie zu Gott
hat: Ja sie vermanet einē jeden in sonderheit
mit mannlichem zuschreien / auß volkommener
weißheit erwackt ihr Weiblichs gemüt / mit
Männlichen gedanken / sprechende: Ich weiß
nicht wie jr in meinen leib kommen sind / dan
ich hab euch weder Arthen noch Seel geben /
auch das leben nicht: So hab ich euch die glis
der nit zusamment gesetzt / sonder der schöpffer
der ganzen welt / der des menschen geburt
gestaltet / vnd aller dingen anfang / der wirt
euch auch auß seiner erbermd das leben wider
geben / wie ihrs dann jetz vmb seinet willen
verschetzet.

Dise wort lehren vnns / das der glaub an
den Artickel von d aufferstentnuß des fleischs
nicht allein vermag / das ein mensch für sich
selbs mit willen vñnd gern stirbt / vmb des
Herzen willen vnd seins worts / sonder auch
den todt seiner aller liebsten auff erden / herrs
lich vnd fein / mit höchster gedult vnd gelass
senheit /

VI.

Ein Gespräch von der

senheit/tragen kan: wie sölliches nicht allein
das exempel diser muter / sonder auch des
Vatters aller gleubigen/ des frommen Abrahams
bewert vnd anzeigt: von welchem wir
also geschriben finden: Durch den glauben
opfferet Abraham den Isaac / da er versucht
ward / vnd gab dahin den eingebornen/ das
rinn er die verheissung hat eingenommen/ zu
welchem gesagt was: In Isaac wirt dir dein
Sohn geheissen werden: vnd gedacht / Gott
mag auch wol von den todten erwecken. Das
her hat er im den Sohn zu einem vorbild der
aufferstentnus wider gegeben.

Wer wolt (sag ich noch einmal) vngern
sterben oder von wegen seiner abgestorbenen
vnmessigklich trawren/ Wenn er seines vnd
seines geliebten leibs vrsende von hertzen
glaubt / vnd mit Paulo sagen kan: Wir wisa
sen aber / so vnser irdisch Hauß diser hütten
zerbrochen wirt / das wir einen Baw haben
von Gott erbawet / ein hauß nicht mit Hens
den gemacht / sonder das ewig ist im Hims
mel. Wer also mit dem heiligen Apostel auß
gleubigem hertzen sagen kan / der wirt ohn
zweiffel auch das mit im sprechen könen / das
er an eim anderen ort sagt: Ich hab lust abzüs
cheiden vnd bey Christo zusein. Dann Chris
tus ist mein leben/ vnd sterben mein gewinn.
Das were je ein torechtige tochter/ die in einē
schlechten armen Baurenheußlein erzogen
were

Heb. 11.
Gene. 22.

2. Cor. 5.

Philipp. 1.

Aufferstennuß des fleischs.

were worden / vnd es neme sie ein grosser Reis
her Herz zu der ehe / vnd wenn er sie ließ reiz A. Blaure
hen oder holen / vnd wolte sie zu jm nemmen /
vnd hette jr ein schöne Königlische wohnung
zugericht / vnd jr eigen frawen zimmer sampt
allem das darzu gehört / vnd sie sich widriges
te / es rewe sie jr bawrenhütlin / darinn sie ges
wohnet / so vbel / das sie nicht darauß ziehen
wolte. Also sind ja das törichte leut / die jr elz
lende bawfellige hütten auff erdē so vbel rewt
so sie doch dort vil bessers finden. Weren wir
rechtgleubig / Brüder Jacob / so würd vnns
gewißlich in diser welt vnd im fleisch eben zu
müt sein / wie einem der in einer schwärē hartē
gefenccknuß ligt / vnd in einem tieffen grauw
samen thurn / vnd weißt / das er nimmer dars
auß kömen vnd ledig werden mag / es breche
dann der thurn / vnd falle eyn. Der fröwe
sich wenn der thurn anfieng krachen / guter
hoffnung es solte sein ellend einmal / ein end
nemmen / vorauß wenn er wüßte / das jm das
brechen vnd einfallen des thurns keinē nach
theil am leben bringen würde: wie dann alle
gleubigen wissen / wenn die hüten jres leibs
bricht durch den todt / das es jnen erst ein fürs
dernuß sein wirt zu dem rechten / aller besten /
vnd ewigen guten leben. Dann dicweil sterz
ben jr gewin ist / wie können sie dann damit
verlieren? Es sey denn sach / das du das für
ein verlurst oder schaden rechnen wöllest / vnd

B

Ein Gespräch von der

nicht vil mehr für ein gewinn vnnnd guten
tausch / so einer das schön liecht der Sonnen
verlaßt / vnd dargegen den klaren vnd hellen
liechten schein des ewigen liechts im reich
Gottes erlangt / gegen welchem die hieige
Sonn kaum ein tröpfflin oder süncklin / ja ein
lautere finsternuß zu achten ist : Oder so eis
ner den lust diser Welt vnd zeitlicher dingen
auff erden verlaßt / vnd dargegen den ewigen
lust findet / gegen welchem aller lust auff ers
den ein luterer vnlust ist : oder so einer sein jea
zige gesundheit verleurt / die gegen der fünffz
tigen nichts dann ein franckheit zu achten ist :
Oder sein jertzige reichthumb / die eitel armut /
oder sein leben / das nur ein jemerlicher todt
zu rechnen ist / gegen der Himmelschen reichs
thumb / vnnnd gegen dem ewigen leben / das
die gleubigen dort in Christo Jesu finden.
Darumb wenn jemandt nun gedencft an
den zeilichen lust / an alles was schön / hüpsch /
lieblich / vnd dem menschen angenehm ist / sol
er dargegen gedenccken / Kan vnns Gott hie
auff erden ein söllichen lust machen mit seinen
geschöpfften vnd wercken / was wirt es dann
erst für ein lust sein / den schöpffer aller deren
dingen selbs sehen / vnd in selbs ewigklich bes
sizen / vnnnd lasse sich in ansehen des / sein les
ben auff erden / ich geschweigen andere zeits
liche liebliche ding (so er hinder im lassen
muß) nit bedauren oder rewen : sonder sage
mit

Aufferstehenuß des Leibs.

mit dem heilige Job: Siehe/ ob er (der Herr) mich gleich tödtet / wolt ich doch auff in bos-
fen. Item / ich weiß das mein erlöser lebet/ Job. 13.
vnd er wirt mich hernach auß der erden auff-
wecken: vnd werde darnach mit diser meiner
Haut vmbgeben werden/ vnd werde in meis-
nem fleisch Gott sehen. Denselben werde
ich mir sehen / vnd meine augen werden in
schawen/ vnd kein frömbder.

Es haben sich vor zeiten die verstendigen
Flügen Heiden des gefröwet / das sie zuvil
treffentlichen leuten nach disem leben kommen
soltten. Der Cato in Ciceronis Büchlin von
dem Alter / fröwet sich dessen / vnd spricht:
O des Herzlichen tags / wenn ich reisen wurd
zu dem Concilio vñ der versammlung der Götts-
lichen gemüteren. Dann ich wurd nit allein
zu denen kommen / die ich hie auff erden vor
auch kenne hab / sonder auch zu den jenigen/
von denen ich vorhin vil gehört/ gelesen/ vnd
ich selbs geschriben hab / vnd ich hab ein gro-
ße begird sie zusehen. Es sol mir auch / spricht
er / scheiden da nicht wehe thun / oder bes-
chwerlich sein: Dann die natur hat mir hie
auff erden nicht ein heimet / sonder allein ein
Herberg geben / nicht da allweg zubleis-
ben / sonder gleich nun als vbernacht zusein.
Hat diser Heyd durch sein vernunfft das kön-
nen außrechnen / vnd sich selbs damit zutrö-
sten gewüßt / wie vil billicher sollen wir Christē
die rechnung machen. B ij

Ein Gespräch von der

Wir kennen vil frommer leut die schon vor lans
gē gestorben / vnd vns vorgefahren sind / so
hören vnd lesen wir von vil frommen thewren
leutē / die wir nie kennt oder gesehen haben / dē
Abraham / Isaac / Jacob / David / Mosen /
alle Propheten vnd heilige Apostel / vil taus
sendt marterer / 2c. Sol vnns das nicht von
hertzen fröwen / das wir zu ihnen kommen /
vnd sie vns zusehen werden? Vorauß vnd
an aber sol vnns doch mehr dann wol vnd
hertzlich fröwen / wenn wir daran gedencen /
das wir zu vnserem lieben Herren Jesu Chris
to kommen / das er vns ewiglich zu sehen
vnd zuniessen wirt / vnd das wir Gott von
angeficht sehen werden / Das fröwet den heis
ligen Apostel Paulum dermassen (wie vor
geredt ist) das er begert auff gelöst zu werdē /
nun das er bey Christo sein möchte. Wenn
wir jetz wüßten / vnd im also were / das S.
Paul / oder S. Peter zu Venedig were / mir
zweyfflet nit / vnser vil wurden sich den kosten
vnd verren weg nit bedaurē lassen dahin zus
ziehen / nun das sie vns zusehen wurden. Sol
es nun dann nit ein grosses geacht sein / das
sie vns all im Himmel zusehen werden? Vnd
darumb sind auch das die gemeinen / vnd
zwar Christliche reden frommer leuten / wenn
sie etwann von lieben leuten abscheiden müß
sen / oder von weitem brieff zusamen schreis
ben / das sie sprechen / wolhin / müssen wir
schon

Wistende des Fleisches.

Schon hie scheiden von einanderen: Item/
ob wir gleich ein anderen villicht hie niche
mehr sehen/ so kommen wir doch im Himmel
noch zusammen/ da wöllen wir/ ob Gott wil/
einanderen wider sehen. Auff die weiß schreib
mir vor etlich jaren der from̄/ Gottselig / Ehrz
würdig / vnn̄d hochgelehrt Herze Magister/
Ambrosius Blaurer Selig / in ein Brieff zu.
Nun das tröst vnd frewt Christen leut billich:
Dann im Himmel werden wir bey einander
ewig sein vnd bleiben/ vnd das in lauter inz
mer werenden fröuden. Welches hie auff erz
den nit geschicht. Sie mögen wir nit allweg
bey einander sein / vnd ob wir gleich möchten
allweg hie bey einandern sein/ so ist doch die
beywohnung hie auff erden mit vil kummer/
leyd vnd trübsal vermischet/ dort aber wirt uns
mer ewige fröud sein ohn alles leyd.

J. Du redst wol vnd fein von sachen/ es
solt eins billich fröwen / wenn es gedencet/
das es seine vorlangst gestorbene freund vnd
liebeleut dort findt/ vnd das gleich nach dem
tod/ mit der Seel (die dann nicht stirbt) vnd
am tag der Auferstentnuß der todte/ mit leib
vnn̄d Seel. Wie aber / wenn einer sie nit alle
im Himmel findt? Wie? wenn einer sein weib/
Mann/ Kinder/ Vatter/ Mutter/ oder ander
freund die im lieb gewesen / finden wirt/ das
sie in der Hell sitzen/ wenn er im Himmel ist/
was soll in dann das selbig fröwen? B.

B ij

Anno 15
2. April

Matt. 10. 2.
Luc. 23.
Acto. 7.

Ein Gespräch von der

Wenn du gehn Himmel ferst / vnd siehst das
Deiner lieben freunden etlich verdampt vnd in
der Hellen sind / das wirt dich denn zumal
gar nit bekümmern. Dann wir werden dort
nicht mehr so angefochten leut sein / wie hie
auff erden / es wirt im Himmel Gottes will
vnd vnser will ein will sein / wie wir in dem
Heiligen Vatter vnser bekennen: Was Gott
thut vnd macht / das wirt vns allen wolges
fallen. Wen er verdampt / den werden wir nit
wöllen im Himmel haben: Wän er selig ma
chet / den werden wir auch gern selig haben
wöllen / Wir werden nit begeren / das es an
ders seye / Dann wie es Gott ordnet. Es frö
wet sich der gerecht / so er sieht die rechte bil
liche raach Gottes. Judas / welchen der
Herz das verloren kind heist / sitzt als fūglis
chen (wie jener sagt) in der Hellen als S.
Peter im Himmelreich. Dann ein Kelch
dieb / gehört an galgen / ein leut mörder auff
rad / das eingeweid auff den mist den rap
pen / vnd das Veldthūn auff den tisch für die
Herren. Das Gottloß gesind gehört nit in
Himmel / es sol sein der scheitel der Füßen
Gottes.

psal. 58.

Reiser
rg.

J. Ich wolt mich zwar fast wol fröwen /
das ich dort (stirb ich vorm Jüngsten tag)
sol kommen zu allen frommen vnd seligen
im reich Gottes / vnd zu meinen langst ges
storbenen lieben freunden: Oder so ich den
Jünge

Aufferstehenuß des Leibs.

Züngsten tag erleb) sie widerumb zu mir:
Ja wenn wir auch einanderen im Himmel
kennen wurden / man sagt aber / die fröud
werde so groß sein / das keins das ander wer
de mehr kennen. **B.** Das ist nichts / wir wer
den alle einander kennen / jeder nit allein die
die er hic auff erden kennt / sonder auch die/
welche er nie kent oder gesehen hat : wie auch
der Reichmann in der Hellen den Lazarum
im Himmel kennt hat / den er vorhin auch ge
sehen / vnd den Abraham gleicher gestalt/
den er vor sein lebenlang nie gesehen / vnd wie
die Apostel auff dem berg Thabor Mosen
vnd Eliam gesehen haben mit Christo reden.
Vnd wie Adam sein weib Eva / Elizabeth
Mariam als ein müter Gottes / Johanes der
Touffer Jesum in Müter leib / zc. Lieber was
würde es für ein seligkeit sein / wenn keiner
den anderen kante / es were je ein vn Sinnige
seligkeit / vnd deßhalb were des Himmels
fröud für kein rechte wahre fröud zuhalten.
Dann wenn mir wol ist / vnd ich weiß nichts
darumb / was sol es mich fröwen? Mit der
weiß müste der hellisch schmerzen auch ohn
verstand sein / derhalb die verdampft wer
den / vnd denn were es ein schlechte pein / vnd
hette grad ein gestalt wie mit einē dem so wee
ist / dzer in ein onmacht felt / vñ weißt gar nütts
vmb sich selbs. Man mag auch dabey wol era
kennen / dz man im Himmel einandn kennen wirt /

Blaurer.
Loffius.

Luc. 6.9.

Ein Gespräch von der

Die liebe kan bey keinem Ding sein / Das man nicht kennt / wenn ich einen menschen gar nit kē / so leg ich kein liebe auff in wen ich in aber kē / als ein feinen geschickten fromen menschen / den so gewin ich liebe zu im / vñ nach dē die erkantnuß gerecht oder falsch ist / nach dem ist auch die liebe. Also in allen anderen dingen was ich erkenn für gut / nützlich vnd ehrlich / zc. Das liebet mir. So volget nun auß dem / wenn kein erkentnuß im Himmel sein wirt / so wirt auch kein liebe darinn sein. Das wer aber spöttlich zu reden. Dann liebe ist ein sölich ding / welches Gott auch in die gute vnschuldige Natur des Menschen / ehe der mensch gesündiget / pflantzet hat / so wer der Mensch auch kein rechter mensch zu achten ohn die liebe / Si weil wir dann dort erst rechte volkōmne menschen werden im Himmelreich / so werden wir auch gewiß einander lieben haben / jedoch wirt vnser liebe denn zumal ein reine lieb vñd ganz geleutert sein von der hepfen menschlicher anfechtungen / die sich hie zū schlagen. Das wurde aber nit sein können / wenn keiner den andern kennen würde. Es wirt der Himmel genennt das Himmlisch Jerusalem / oder die Himmlische Burgerschaft. Nun weist du wol es kan kein rechte Burgerschaft sein in einer Statt / wenn keiner den anderen kennt / wenn ein Burger dem anderen als frembd ist als wer

Apo. 12.

Vrstande der abgestorbenen.

er erst von Rom herkommen: wo Burger ein
anderen nit kennen / da können ire hertzen vnd
gemüth nit zusamen sehen. Also wurd kein
rechte Burgerschaft im Himmel sein / wenn
jeder dem andern vnbekannt were. Es spricht
Der H. Augustinus / Gott der Herz wölle
vns mit dem / so er vns in seinē gesetz gebet /
wir sollen in lieb haben von gantzem hertzen /
von ganzer Seel / von gantzem gemüt vnd
allen krefftten / vñ den nechsten wie vns selbs /
nit allein erschrecken / vnd vns vnser ellends
erinneren / Das wir so gar nicht die leut sind
bey denen sich die liebe findet / sonder er wölle
vns damit trösten / vnd anzeigen / wiewol wir
hie auff Erden zu volkomner liebe nimmer
kommen mögen / so werden wir doch noch ein
mal im anderen leben zu solcher volkommens
heit kommen. Derhalben wirt je die liebe im
reich Gottes nit nur nit abnehmen / sonder
erst recht in vns außgemacht werden / vnd
derhalben auch vnser erkantnuß gantz vnd
volkommen sein / Solten wir vns dann nicht
fröwen / Das wir dort wider zusamen kom-
men? Gott geb was für liebe leut wir hie
hinder vns lassen / dieselbigen werden zu irer
verordneter zeit auch hernach komen. Vnd
das ist auch die vrsach / Darumb vns der heis-
lig Paulus vermandt: Wir sollen nit trawren
vmb die abgestorbenen / wie die anderen die
kein hoffnung haben. Dann so wir glauben

1. Thes.

B v

Ein Gespräch von

(spricht er) Das Jesus gestorben vnnnd auff
erstandē ist / darumb wirt Gott auch die da ents
schlaffen sind durch Jesum / mit im hinfüh
ren. **3.** Was meint der Apostel hie für ein
hoffnung? **3.** Nichts anders / dann die
hoffnung des anderen lebens nach disem le
ben / dahin auch der leib kommen wirt am
tag der Auferstentnuß. Darumb tröstet er
sie am gemelten ort gleich hernach auff solche
auferstehung / vnd spricht letstlich / wir wers
den bey dem Herren sein allezeit. **Siehe zu /**
Das ist vnser der Christen hoffnung / von des
nen Paulus redet / da wir fest glauben / die
abgestorbenen todten seind vns nun vorganz
gen / vñ nit entgangen. Derhalben hand wir
sie nit verlorē / sonder wir sollen bald wider
zusammen kommen / vnd ewig bey einandes
ren bleiben / vnd ob einanderen fröud haben.
Job .42. Im buch Job haben wir dessen auch ein ans
zeigung : Da lesen wir / da der Sathan den
frommen Job vmb all sein Haab vnd Güt /
auß Gottes verhengnuß gebracht hat / auch
vmb seine Kinder : Nach dem in Gott vil vnd
lang mit schwerem creutz vnd leidē gnug ges
übt hat / da segnet vnd benedeyet er in wider /
vnd beschert im mehr weder er je gehabt hat /
ja er gab im alles was er vor gehabt / zweys
fach wider / spricht der text / Er toppelt ims al
les / für die sibē tausend Schaaff / Drey taus
sendt Kamel / fünffhunder Joch Ochsen vnd
fünff

Aufferstentnuß der Todten.

fünffhundert Eselin/die er vorgehabt/gab im
Gott hernach vierzehen hundert Schaaff/
sechs tausendt Kamel/ tausendr Joch Ochsen
vnd tausend Esel. Si weil nun Job vorhin
siben Söhn vnd drey Töchtern gehabt hat/
vmb die er auch kommen was/ solte einen wunz
der nehmen warumb im Gott die selbigen
nit auch toppelt wider geben hette? Dann es
stadt/ Er hab im nit vierzehen/ sonder nur sis
ben Söhn/ vnd nicht sechs/ sonder nur drey
Töchter wider geben. Es ist ohn zweiffel von
deßwegen geschehen/ wiewol im/ dem Job/
die Kinder ombkommen/ waren sie doch nit
verloren/ er was nit vmb sie kommen/ gar nit/
sie waren im anderen leben/ dahin der Job
noch auch solt zu inen kommen/ darumb hat
Job seine kinder auch toppelt wider/ so wol
als das ander güt. Siben Söhn vnd drey
Töchter hat er im Himmel: Item siben Söhn
vnd drey Töchter auff erden: Hat sich also
nichts zübeklagen. Auß gleicher vrsach hand
auch wir vns nicht zübeklagen/ so wir durch
den tod von guten lieben leuten getrennt vnd
abgescheiden werden/ vnd sie dahinden las
sen müssen/ dann wir finden vil guter lieber
leut dort/ die vns vorgesahren sind/ so ist es
vmb ein kurze zeit zuthun/ die oberbliben
sie auff erden werden vns auch nachfahren.
Wenn gut freund mit einanderen anschlas
hen/ sie wöllen Morgen zu Nacht all
an

Ein Gespräch von

an ein ort zusammen kommen / vnd ein guten
mut mit einandern haben / vnd der ein mach-
te sich morgen frü auff den weg / vnd keme
auff den mittag dahin / der ander keme erst
vmb die zwey / d' dritt erst vñ drey vñ nach
mittag / die vbrigen erst auff den abent / so
ist es dem kein beschwernuß vnd verdruß / der
ein wenig zu frü kompt / vnd bekümmert in
nit / das er vor dem anderen da ist / vnd das
die anderen später kommen. Es vernüget in /
das er weißt das sie endlich all zusammen
kommen: so irret es die letzten auch nicht / das
der vor ihnen da ist. Also ob schon einer ein wes-
nig zeitlicher vor dem andern in hñmel kompt /
sol es im kein verdruß sein / es soll in fröwen
das er weißt / die anderen werden all hernach
kommen: Vnd herwiderumb sol sich der nit
zufast bekümmern / dem seiner freunden etz-
liche voran hin hingezogen / das ist / wie Paulus
redt / entschlaffen sind. Dann sie wer-
den wider erwachen / vnd zu vns kōmen oder
wir zu ihnen. Bette dich vnd deinen freund /
oder kind / der König geladen / vnd verheissen
ehr vnd gut / vnd dein kind / oder freund / rüs-
tet sich auff die fart vnd wolt voran hin fah-
ren / vnd du woltest hinnach kommen: Weis-
netest du auch wenn er dahin führet? Nein du
freylich: sonder lieffest in mit friden fahren /
vnd rüstest dich so bald du möchtest / das du
hinnach führest. Weg weinest du denn
den

Aufferstendnuß der Todten

Den tod deines Sohns oder freunds: in vnd dich hat der groß König Himmels vnd Erden geladen / zu dem ewigen Reich / das er dich vnnnd in setzen will / zu den fürsten des Himmels. Dein Sohn fährt dahin / durch die Pfort des tods / er wirt wider zu den charren erstehn / weß trawest du? Warumb richtest du dich nit mit freuden im nachzuolgen / den du nicht verschickt / das ist verloren hast / sonder nur voranhin geschickt. Du vnd dein Sohn wöllen zu Baden fahren: Er fart voranhin / das weinst du nit / sonder rütest dich / das du bald hinnach fahrest / also thun auch hie. Kurtz / vnbescheidenlichs weinen der todten / kompt auß verzweyfflung der künfftigen Vrstand / vnd auß Kleinmütigkeit mehr / weder auß barmhertzigkeit oder Gottseligkeit.

Jac. Wer aber nit zweyfflet an der Vrstande des fleischs / sonder die warlich glaubt / wirt er nit auch andere werck des glaubens vber die bißher erzelt vben? H. Welcher glaubt / das sein fleisch von den todten auffferstehn werde / der muß auch glauben / das er einmal vorhin sterben müsse. Dann wie solt er sonst auffferstehn? Es sey dann das daß Weizenkörnlin in die erden falle vnd ersterbe / so bleibt es allein: wo es aber erstirbt / so bringt es vil frucht / wie der Herz Christus sagt. Bedencken aber / das wir sterben müssen / ist ein nutzlich vnnnd so ein köstlich vnnnd gut

Cyprianus

2. Reg. 12

VII.

1. Cor. 15.

Johan. 12

Ein Gespräch von der

Mal. 39. 90. gut Ding / das vil liebe heiligen Gott darumb
Deut. 32. gebetten haben / damit sie nemlich kenten
Eccle. 7. weißlich wandlen vnd sich vor sünden hütten.

3. Müssen wir nun alle sterben / was ist es
Denn / das Paulus spricht: Sihe ich sag euch
ein geheimnuß: wir werden nit alle entschlaf-
fen / wir werden aber alle verwandelt werden /
vnd das schnell / vnd in ein augenblick / zur
zeit der letzten Posaunen? R. Wir sind ja
1. Cor. 15. alle tödtlich / vnd des lebens kein augenblick
sicher: vnd ob schon zur zeit der zukunfft Chris-
sti zum gericht / noch etliche bey leben sein /
vnd nit wie die anderen vor jnen sterben vnd
begraben werden / so wirt jnen doch die ver-
wandlung / von welcher Paulus redt / an stat
des tods begegnen: Ja es wirt jnen das für
Augusti. jr Vrstande von den todten gerechnet / das
sie die tödtlichkeit mit der verwandlung ables-
gen werden / vnd nicht mit dem tod.

3. Warzū wirt vnns die gedechtnuß des
todts (welche auß dem glauben dieses Artiz-
ckels entspringt) mehr gut sein? R. Das
man sich dester baß vnd fleissiger zu ein seliz-
gen sterben rüste vnd schicke: welches zwar
wir allesammen billich thun solten / vnd das
erslich von deßwegen / dieweil sterben die
größt vnd wichtigest sach ist / die wir vor vns
haben / so lang wir auff erden sind. Zum anz-
deren / dieweil es ein so gemeine sach ist / die
jederman antrifft / jungs vnd alts / weib vnd
mann /

Aufferstentnuß des Leibs.

mann/reich vnd arm. Für das dritt/dieweil wir dem zyl vnd stündlin alltag vnnnd stund immer je lenger je neher sind / darumb solten wir billich auch je mehr mit vmb gehn. Vnd letstlich weil vns Christus vnd seine Apostel an allen orten so ernstlich vermanen / wir solz len wachen vnd in sorgen allzeit warten. Wie sehen wie im der Adel thut : wenn die Edlen mit einander scharpff rennen wöllen / so üben sie sich etliche tag vorhin / vnd vorauß am abend / ehe es morgens den ernst gilt / drauff / mit den stangen / sie bereiten den platz / vnnnd richten die geul ab / vnd sehen ob sie zaum gerecht seind oder nicht / alles von deßwegen / Damit sie morgens desto baß bestanden. Also wenn man ein kurtzweiligs schawspil / Comediam oder Tragediam halten will / übet man sich vil vnd lange zeit zuuor / jeder vberspricht seine spruch offft vnd vil / damit er nicht zu spott werde. Vnnnd an denen sachen allen ist doch ein geringes gelegen / noch kehrt man den fleiß an. Wie vil mehr darff sie d' Christ / Das er sich auff den tod rüste vnd bereite?

3. Warin steht fürnemlich vnnnd in einem summ ein Christliche vorbereitung zum tod?
B. In dem wenn man das thut / welches da gethan haben die flugen Jungfrawen / von welchen also geschriben stehet : Vnd welche bereitet wahren / giengen mit im (dem Breutgam) hincin zu der Hochzeit /
Das

Gespräch vñ Vfferstendnuß des fleischs.

Das ist welche Oel namen in ire Ampelen
samt iren liechteren. **Q.** Was für ein öl sol dz
sein? **A.** Das fröudē öl des heiligen Geists/
den Gott der Vatter geben will allen denen/
die in im namen Jesu Christi darumb bitten.
Luc. 11. Von welchem Geist der Apostel Paulus also
schreibt: So nun der Geist des / der Jesum
von todten aufferweckt hat / in euch wohnet/
so wirt auch der selb / der Christum von todten
Rom. 8. aufferweckt hat / ewere sterbliche leib lebendig
machē / vmb des willen / das sein geist in euch
wohnet. **Q.** Ist dann der Heilig Geist des
VIII. nen so höchlich von nöten / die da begeren ses
lig zum ewigen leben von den todten auffzus
stehn / so werden ohn zweyffel die jhenigen /
die da glauben den Artickel von der Vrstende
des leibs / denselbigē ohn vnterlaß von Gott
bitten vnd begeren? **A.** Gewißlich : damit
vnd sie durch den Geist des leibs werck töz
den. Dann so wir sind mit Christo gepflanz
tzt worden zu gleichem tod / (spricht der Apo
Rom. 6. stel) so werden wir auch der Aufferstendnuß
gleich sein. **Q.** Darzu helff vns der Allmecht
tig vnd Barmhertzig Gott / der den Her
1. Cor. 6. ren aufferweckt hat / vnd vns auch auff
erwecken wirt durch sein krafft.

A. Dem selben sey ewigs lob
gesagt. **Q. AMEN.**

G Ein Gespräch / von dem
zwölfften Artickel des glau-
bens/sampt seinen wercken.

Hans vnd Jacob.

Hans. Ein gut leben / ein gut
ben / Brüder Jacob. Jac. Das wöll
vnns der lieb Gott geben. Ha. Was
hettest du aber gern für ein gut leben? Jac.
Ich glaub es sey kein bessers / dann das Gott
seinen lieben Kindern verheissen hat / welches
wir auch bekennen im letzten Artickel vnser
glaubens / da wir sprechen: Vnd das ewig
leben / Amen. H. So hettest du gern das
ewig leben? J. Warumb nit? Dann ist es
vmb zeitlich vnd zergänglich leben ein solz
lich anmütig vnd lieblich ding dē menschen /
das ers (wie man sieht) vberauß vngern verz
leurt: wie gut vnd selig muß dann das ewig
leben sein? H. Das glauben aber wenig.
J. Wie so? H. Seitenmal deren vil sind / die
nicht nur nit glauben / das es ein gut leben
vmb das ewig leben sey / sonder auch / die es
vberal verleugnen / vnd sagen entweder mit
worten / oder aber mit jren thaten / es sey kein Brentius.
ewigs leben. Vnder den Heiden waren etliz
che die hießen Epicurer / die selbigen verleugz
neten öffentlich vnd vnuerholen / das ein ans
E

Ein Gespräch von

der leben nach diesem leben were. Vnder dem
Christen / ist wol ein grosser theil deren die sol-
ches mit Worten verhängen / vnd dise Gotts-
lose meinung verbergen / aber mit dem herz-
zen halten sie eben das / daß die Epicurer hal-
ten / vnd bezeugens mit iren wercken / das sie
nit glauben / das ein ewig leben sey. **3.** Wie
das? **A.** Sieweil alle die / die sich selbst ganz
vnd gar diser welt ergeben / vnd allein dem
bauch dienen / vnd nichts anders thun / dann
das sie irdische Güter zusammen kratzen /
oder dem wollust des leibs pflegend vnd war-
tend / oder ehr vnd gewalt in der welt erlan-
gen / vnd dem wort Gottes nichts nachfras-
gen / sonder in iren lastern ohn alle büß für-
fahren : ja dise alle (sag ich) ob sie schon mit
worten dergleichen thun als ob sie glaubten /
das nach diesem leben ein ewigs leben sey / so
verleugnen sie es doch mit iren thaten.

3. Wirt nun diser Artikel von dem ewig-
gen leben mit söllichen thaten verleugnet /
was sol man dann thun / oder welches sind
die werck / mit welchen der glaub an disen
Artikel recht bekennet / probiert vnd bezeug-
get wirt? **A.** Welcher warlich glaubt ein
ewigs leben sein / der wirt erstlich sein vertras-
wen / nicht setzen inn diß gegenwertig vnd
tödtlich leben / von wegen das es so kurtz / vns
gewiß / ellend vnd arbeitfelig ist : Sonder er
wirt das ewig begeren / vnd zu dem selbigen
lust

Dem Ewigen Leben.

lust vnd liebe gewinnen / darumb das es das
waar / bestendig vnd selig leben ist. Dann
wie keiner das ewig leben kan lieben / er glaub
be dann / das eins sey (dann welcher will o=
der kan das begeren / das unbekannt ist / vnd Quidius
dauon er nichts weißt?) also dargegen ist es
vn möglich / das der nicht das ewig vnd selig
leben begere vnd liebe / der von hertzen glaub
bet / das es sey.

Zum anderen wirt der / welcher an disen
zwölfften Artickel glauben hat / nicht allein II.
zum ewigen leben lust vnd begird haben /
sonder auch dasselbig suchen / vnd nach dem
weg (der darein führt) fleissig forschen / vnd
so er in funden / darauff wandlen. Dann wie
einer der gern gelt vñ gut hett / vnd dasselbig
lieb hat / auch weiß vnd weg sucht / damit vnd
ers vberkommen möge: Also auch wer gern
das ewig leben erlangen wolt / wirt dem weg
der zum leben führt / treulich vnd fleissig nach
fragen. Vnd gleich wie einer der gern beim
wein ist / auch gern zum wein gehet / also auch
der / welcher gern im ewigen leben sein wolt /
wirt gern zum ewigen leben gehn / vnd den
weg / der darzu führt mit lust vnd mit willen August.
wandlen. Dann warlich da einer wil vnd
begert zu bleiben / dahin sol vnd muß er eylen
vnd sich verfügen. J. Wenn aber gar weit
dar ist: Vnd der weg eng vnd rauch? Hans.
Wohin? J. In das ewig leben. Ha. W.

Ein Gespräch von

Blaurer. Jacob / mir zweifflet nicht / wenn eins ein
Vatter / Mütter / Kind / oder andere liebe
Freund hette / der / oder die etwann an ein
ort auff erden wohneten / vnd es hette sie lan-
ge jar nit gesehen / es wurde es vbel darnach
verlangen / vnd sößte ein weiten weg zu ih-
nen ziehen / nur das es sie noch einmal sehen
möchte / ohn angesehen / das es gleich bald
darnach wider von jnen scheiden müste. Sol-
ten wir vnns dann nit auch mit fröuden auff
den weg des ewigen lebens begeben / in wels-
chem wir nicht allein vil güter lieber leut / die
wir zum theil vor nie / zum theil lang nicht
gesehen haben / sonder auch Gott den Vats-
han. 17. ter vnd seinen lieben Sohn Jesum Christum
erkennen vnd von angesicht zu angesicht ses-
hen / vnd nummehrer in ewigkeit von jnen
scheiden werden / vnangesehen / das wir vns
derwegen in diser zeit etwas leiden müssen /
wie die Kinder Israel in der wüste vorhin ha-
ben gelitten ehe vnd sie ins gelobte land kom-
men sind ? Wenn einer betrachtet wie arbeits-
selig / jamerhafft / nichtig vnd ganz flüchtig
diß zeitlich leiblich leben auff erden / vnd wie
ganz freudenreich / wunnreich / selig vnd es
wig bestendig das zukünfftig leben im Him-
mel ist vnd sein wirt / ist nit möglich / solchs
sein fleissig betrachten der zukünfftigen fröud
vnd seligkeit / wirt sein gemüth dermassen von
allem gegenwertigen schmerzen abziehen /
das

Dem Ewigen Leben.

Das es im alles gering vnd leicht geacht sein
wirt. Dann alles leiden diser zeit nichts ist/
gegen der Herzlichkeit der Kinderen Gottes/
die vnser Himmlischer Vatter vnns seinen
Kinderen in fünffzigem züstellen will. Wie Kom. 8.
vil leidet mancher vmb des zergenglichen
Gelts willen / vnd du woltest nit leiden vmb
des jimmerwerenden lebens willen? Also
widerest du dich zuarbeitē für die verheissun-
gen Gottes / gleich als ob du nit arbeitetest
für deine begirden? Wie vil vnd grosse ding Augustin
leiden die mörder für jr vngerechtigkeit? Wie
vil die vnkeuschen für jr bubenwerck? Wie vil
die Rauffleut für jren geitz? sie fahren vber
Meer/ sie befehlen den Winden vnd dem vns
gewitter leib vnd leben/ sie verlassen das jr ist/
vnd suchen das unbekannt.

J. Nun wolan/ ich glaub das ein ewig les-
ben sey/vnd wolt dasselbig auch gern ererbē/
welches ist aber der weg darzü? zeig mir den.
H. Christus spricht zu den Juden: Waarlich
warlich / sag ich euch / wer mein wort hört/
vnd glaubt dem der mich gesandt hat/ der
hat das ewig leben / vnd kompt nit an das
gericht / sonder er ist von dem tod zum leben
hindurch gedrungen. Item: Ergründet die
Schrift/ dann jr meinet/ jr habet das ewig les-
ben darinnen: vnd sie ist es die von mir zeu-
get/ vnd jr wöllet nit zū mir kommen/ das jr
das leben haben möget. Auß disen vnd ders
Luc. 10. 16
Joh. 10. 20
2. Tim. 3.

Ein Gespräch von

gleichem sprüchen hörst du / das man den weg
zum lebē lehren sol auß der heiligē Schrift /
vnd auß der Predig des wort Gottes: Vnnd
das der glaub an Christum Jesum der recht
weg zum ewigen leben sey. Derhalben wer
disen weg wissen will / der halte sich zum
wort Gottes / dann welcher das verstoßt / der
Acto. 13. schertz vnd machet sich selbs unwürdig des
ewigen lebens: vnd wer disen weg wandlen
wil / der fasse Christum Jesum durch den glau
Johan. 14. ben. Dann er ist der Weg (wie er selbs redt)
vnd die warheit vnd das leben. Vnnd nie
mandts kompt zum Vatter (das ist ins Sum
melreich / vnd in das recht Vatterland des es
wigen lebens) dann durch in. 3. Lieber
Was zeigt Christus in einer sum mit disen
worten an? B. Eben das / nemlich / wer zu
dem rechten leben kommen wölle / müsse in
(den Herzen Christum) als den weg vnd die
Blaurer. Wahrheit vor allen dingen ergreifen. Gibt
deßhalb die gleichnus bey einem / der vber
Veld geht / vnd im selbs an ein gewissen ort
zureisen fürgenommen hat / dem sind drey
ding von nöten. Erstlich das er den rechten
weg antrette / vnd vnter die füß neme / Am ans
dern / das er auff der rechten ban bleibe / vor
ziehe vnd verharre. Zu dem dritten / das er
durch den antritt / vñ das beharlich fürziehē /
das end seiner fürgenommenen reiß erreiche
vnd erlange. Ein gleiche gestalt muß es auch
han /

dem Ewigen Leben.

han / geistlich von der sach zureden / mit eis
nem jeden menschen / der gehn Himmel vnd
zum ewigen leben kommen will. Er muß
Christum den einigen rechten weg im glaus
ben von ersten antretten / in jm vnd auff dem
weg (als der vnfeligen warheit) beständig
lich verharren / so wirt er entlich hiedurch /
das ist durch den weg vnd die warheit Chri
stum / zu jm / das ist zu Christo / welcher das
ewig leben selbs ist / kommen.

F. Wenn sol man aber Christum Jesum
als den einigen weg zum ewigen leben / ans
tretten / vnd durch den glauben ergreifen?
Gelt / wenn sich diß vnser leiblich leben endert?
B. Ja / wie du sagst. Wenn es sterben gilt
von hinnen fahren / wenn es an ein vberfah
ren geht auß diser welt in das ander leben /
als dann sollen vnd müssen wir alle andere
ding auß den augen schlagen / vnd vnseren
Herzen vnd Heiland Jesum / als den einigen
vnd rechten weg / allein vnd einig vnder die
fuß nehmen / vnd vns sein allein halten vnd
trösten. Dann was wir vns sonst trösten vnd
Behelffen werden wöllen / wirt alles fehl / eys
tel vnd vergeblich sein: Ja in dem tieffen tods
ten Meer werden wir müssen ertrincken / weñ
wir Christo Jesu nit in sein Schiffen sitzen /
vnd vns aller ding auff in verlassen / vnd das
beständiglich / ohn alles hinder sich weichen /
vnangesehen / das der Teuffel (der nimmer

Ein Gespräch von

vnrüwiger ist / dann wenn es am letzten ist) die sünd / der Tod vnd die Hell / wie die grausamen wellen auff dem Meer / daher fahren.

III.

Aber das solt du auch darneben wissen / Jacob : Sol dich der Herz Christus in deinen tods nöten durch das gewell des grausamen tods hindurch führen / das dir kein leid widerfahre / so must du dich auch im leben zu jm thun / gemeinschaft vnd kundtschafft mit jm machen / vnd sehen das du jm bekant / vnd er dir heimlich werde. Dann welcher wil vnd begert / das jm Christus der weg / die warheit vnd das leben seye in seinem letzten end / vnd todtes kampff / der muß sich zuuor in seinem leben recht zu diser sach schicken / also / das jm Christus auch auff dem Land vnd der strass seines lebens in diser welt / der weg / die warheit / vnd das leben seye. Jac. Wie der weg? B. Das er auff dem wandle. Dann also macht sich Christus auch vns zu einem weg im Heiligen Euangelio / da er vns vermanet / wir sollen darnach ringen / das wir durch die engen pforten eingehn / vnd den schmalen weg wandlen: der zu dem leben führt (verstand zu dem ewigen vnd seligen leben : dann das leben hie auff erden ist des nammens nit wert / das es ein leben genennt werden solle / wenn man es gegen dem andern künfftigen vergleichen wil / sonder ist vil mehr ein teglich seiden vnd sterben) ja den
schmas

Matth. 7.
Luc. 15.

Dem ewigen Leben.

Schmalen weg wandlē/ das ist/ das wir durch
den glauben in Christum ein abgestorbens/
von der welt abzogens/ züchtigs/ erbers vnd
Gottseligs leben führen/ vnd also dem Herre
Christo in seinen füßtapffen vnd auff seinem
weg nachwandlen. 3. Was ist aber die vrs
sach / darumb Christus ein schmaler weg/ ein
engs thürlin/ vnd nid erepforten geneit wirt?
B. Du weist wol / manche thür ist groß ges
nug darzü/ das man auß vnd ein gehe. Aber
wenn einer mit einem fuder hew oder strow
ein vnd außfahren wolte/ wurde jm die thür
zü klein darzü sein: Dann sie ist nit darzü ges
machtet worden. Also mancher weg im holtz
ist weit gnug zu wandlen / ja einem der kein
grosse burde auff jm tregt: mancher füßweg
ist gut durch einen Acker / ja einem der zü füß
geht / aber mit einem Ross; kompt er nit hins
durch / der weg ist nicht gemacht für die reis
tenden. Also ist Christus ein genüg breiter
weg vnd weite thür zu dem ewigen leben/ ja
allen gleubigen / deren hertzen nicht beladen
vnd beschweret sind mit sorgseligkeit vnd zü
vil liebe zeitlicher Dingen / vnd die nicht ein
schweren grossen last aller sünden vnd lastern
auff jnen tragen. Darumb wer Christum wil
zum weg haben/ der müß hie bey zeit abladen
vnd von jm legen alle vberbürde vnd last der
sünden / so vil jhenen möglich / vnd der bosz
heit vrlaub geben. Von dem abladen sagt

Ein Gespräch von

uns Christus / als er spricht / Man müsse umb
seines nammens willen verlassen Heuser /
Brüder / Schwester / Vatter / Mutter / Weib /
Kind vnd Acker / so einer sein Jünger wölle
sein. ¶ Wie aber das? H. Nit also / das
einer von dem allem hinweg solle lauffen /
Haab vnd Gut verlassen / vnd denn von an-
der leuten guzlen / sonder er muß sein hertz
nit daran hengen / nit züvil liebe darauß las-
sen / dem Herzen Gott aller deren dingen
halb so gelassen stehn / das ers fahren möge
lassen / wenn es Gott gefelt. Darumb stirbt
man auch so vngern / vnd thut sterben so
angstlich wee. Dann der ein verlest weib vnd
Kind nit gern: der ander Vatter vnd Mutter:
diser acker vnd matten / zc. Nun muß der was
gen entladen sein / sonst kompt man nit hins
ein durch den engē weg / ist sonst vnmöglich.
Bey Gott ist zwar alle ding möglich / wie
Christus antwort den Jüngern / da er gesagt
hat / Es were leichter das ein Camel durch ein
nadelör gienge / dann das ein reicher in das
reich Gottes komme. Vnd die Jünger spras-
chen / Wer kan dann selig werden? Antwor-
tet Christus / bey den menschen ist vn mög-
lich / bey Gott aber sind alle ding möglich:
als wolte Christus sagen: Bey Gott ist auch
möglich das ein Camel durch ein nadelöre
gang: er kan es wol / aber aller menschen rech-
nung nach muß es rauch zugehn / es muß
haut

Matth. 19.

Camel / Ist
n groß seil
iff den
Teerschif-
n.

dem Ewigen Leben.

Haut vnd haar / vernünfftiger muttmassung
nach / abstreiffen / vnd dahinden lassen / will
es hindurch. Also muß vnd wirts auch rauch
zugehn / sollen die in Himmel kommen auff
dem schmalen weg / vnd durch die engē pfort /
deren hertzen beladen sind mit vil liebe vnd
sorgfeltigkeit zeitlicher dingen. Welcher ein
grosse burde auff jm tregt / kompt auch wol
durch ein fleins engs thürlin hinein / ja wenn
er züvor die burde abladet vnd von jm thut.
Ein ross; kan man auch durch ein nidere thür
hinein führen / man muß jm aber vorhin das
sattelgest irz abthun. Gleich er gestalt ist das
thürlin zum ewigen dem menschen weit ge-
nug / vnd der weg breit gnug / ja wenn er sich
vorhin entschleicht vnd abladet was in bes-
schweren vnd hinderen möchte. Vnd da ist
es nun ganz gefserlich vnd sorglich / wenn eis Heb. 12.
nem die burde an seinem hertzen anfläbt /
gleich wie einem Kamelthier sein hoher bo-
gen rügken angewachsen ist.

Sarumb sollen wir sehen / das wir Chris-
stum den schmalen weg zu dem leben bey zeit
vnd hie auff Erden antretten / hinlegen
von vns alle hindernussen / was jm miß-
falt / vnd was wider Gott ist. Nun sind
wir Menschen aber (gleich wie ein Saum
Ross; das man auff beyden Seiten ladet) bes-
laden vnd beschwert zu der rechten vnd
lincken seiten.

Ein Gespräch von

J. Wie zur lincken? **B.** Eins theils sind wir beladen mit vil bösem/ als nemlich/ mit allerley sünd vnd vbel/ wie das immer mag nammen haben. Vnd das ist der aller schwerest vntragenlichest last/ welcher dem mensche (wo jm nit deß lasts abgeholfen wirt) hinab truckt biß inn abgrund der Hellen. Vnd wenn der Mensch deß lasts seiner sünden empfindt/ ist es jm ein vnleidenliche burde/ wie es der heilig Prophet David wolerfahren hat/ darumb er sich so jemerlich flagt in vilen seinen Psalmen. Es ist ein solcher last/ wo jn Gott dem menschen nit abnemme/ müste er darob verzweiffen vnd verzagen. Den last müssen wir abladen/ der sünd vrlaub geben. Dann es wirt je nichts sündtlichs inn Himmel kommen. **J.** Ich meint Christus were allein der/ der vns des lastes hette müssen abhelffen. **B.** Das ist war/ er hat den last auff sich genommen/ vnser sünd tragen/ vnd am heiligen Creutz abtragen vnd gebüßt. Wer aber das glaubt/ bey dem wirt der glaub würcken/ ein teglichs absterben sein selbs/ er wirt sich fleissen die Sünd/ so noch seinem fleisch anklab/ täglich im fleisch zu tödten/ den alten bösen Adam mit seinen verkehrten vnd letzten weisen abzuwürgen/ vnd sich so vil möglich ist/ vnd jm Gott gnad gibt von allem bösen abziehen. Dann es steht nit vmbsonst geschriben: Wenn dich dein fuß verletzt

so

Psal. 38.

Esa. 53.
Johan. 1.

Marc. 9.

Von dem ewigen Leben.

So hat in ab. Es ist dir besser das du ein Krüppel zum leben eingehest / dann das du zweifüß habest / vnd würdest in die Hell geworfen / in das ewig feur / da jr wurm nu stirbt / vnd jr feur nit erlöschet / 2c. Item: Wo jr nach dem fleisch lebend / so werdet jr sterben müssen: Wo jr aber durch den Geist des leibs werck tödten / so werdet jr leben. Vnd abermals / wer da will das leben lieb haben vnd gute tag sehen der geschweige seine zung das sie nichts böses rede / vnd seine lefftzen / das sie nit betriegen. Er wende sich von dem bösen vnd thue guts: er suche den fride / vnd jage im nach. Das ist nun das ein abladen der burden / mit deren wir beschwert sind.

Rom. 8.

Psa. 34.
1. Pet 3.

3. Welches ist das ander? B. Anders theils sind wir auff der anderen seiten beladē mit vil sachen / die für sich selbs gut sind / aber wir verderbens mit dem / das wir zu vil liebe darauff legen / vñ lassen sie vns nach angelegē sein / vnd gehet vns gerad wie dem vogel / wenn er seine flügel in den kläb vnd vogelleim dermassen schlecht / das er nit mehr auffstiegen mag vnd ledig werden. Gleich also thun wir im auch mit denen dingen / die sonst Gottes gaaben vnd für sich selbs gut sind / Weib vnd Kinder haben / zeitlich gut besitzen / sind alles für sich selbs gute ding vnd Gottes gaaben / es sind solche ding ohn die man nit sein / vnd deren man nit gerathen mag / vnd will man

man

Ein Gespräch von

3 Cor. 7.

wan sie habē / so muß man sorg daruff wendē
vnd fleiß mit haben / solchen dingen recht zus
thun. Man muß aber nit zuvil sorg vnd liebe
deren dingē habē / das hertz nit daran hencfē /
sond sich aller deren zeitlichē dingen gebraua
chē / als hette man sie nit / vñ an einē fürgehn /
gleich wie ein gast ein herberg brucht / So mā
jms schon wol beutet / man helt in wol vñ chra
lich / mit essen vñ trincken / zū bett vñ zū tische /
setzt er von deß wegen sein hertz vnd sinn nit
dermassen darauff / dz er gedencke sein wesen
vñ leibliche wohnung da zū haben. Was der
glaubig immer hat / das in fröwet / in der gan
zen weitē welt / das hat / vñ des gebraucht er
sich als eins vbernächtigen dings / er vergißt
Gottes darbey nicht / seine gedancken fliegen
allzeit vber sich zū Gott. Vnd das kan er wol
thun / auch mittē zū / so er mit zeitlichē geschef
ten vmb geht / gleich wie ein Mutter / die an jr
kind gedencen kan / weñ sie schon mit andern
geschefte aufferhalb dem hauß vñ geht. Vñ
da bedürffen wir fast wol vil vbrige sorg vñ lie
be abzuladen / dan vns solches nit wenig hin
dert auff dem weg des lebens / Vnd were gut /
dieweil wir die zeitliche ding alle sunst lezlich
gar verlassen vñ vrlaubē müssen / wir entschlüs
sen vns derselbigen / so vil möglich / bey zeit /
damit sie vnns / wenn es sterben gilt / desto
minder beschwerlich vñ hindertlich weren.
Vnd zwar / welcher ein rechgleubiger Christ
ist /

dem anderen Leben:

ist / Dem ist es ein grosse beschwernuß / vnd
verdreyß in nichts wirß / Dann daß er mit
solchen zeitlichen geschefften so vil umbgehn/
vnd bemüet sein muß / er wölte das er / wo es
jenen möglich / gar nichts mit zuschaffen ha-
ben müste / ja sein eigner Kathsack vnd sündli-
cher Leib / den er an jm treget / ist jm auch nit ein
geringe beschwernuß / er Begert mit dem heiz
ligen Paulo dauon erlediget zu werden / vnd
bey Christo zusein. Demnach sind wir auff
diser andern seiten auch mit noch mehr bösen
vnd guten wercken beladen / welche wir auch
abladen müssen / wollen wir den schmalē weg
Christum gehn Himmel ins ewig leben tref-
fen / als nemlich / alle werck die wir für gut vnd
hoch verdienstlich halten vor Gott / vermeinē
dardurch vil zu erlangen / vñ umb Gott zuuer-
diene / vnd Gott hat sie aber nirgents gebot-
ten noch geheissen / vnd sind jm deshalb ein
greuwel: Dann was ohn glauben beschicht /
ob man es schon gleich guter meinüg thut / ist
sünd / was aber nit in Gottes wort gegrün-
det ist / das geschicht nicht auß glauben:
Dann Gottes wort des glaubens gründe-
feste ist / Darumb ist es sünd vnd wider Gott /
vnd sol sich ein jeder Christ dessen entschlahē.
Item wir müssen vns entschlahen falscher
meinung in denen wercken / die sonst gleich
wol gut vnd Gott gefellig sind / vnd von jm
selbs gebotten / Das wir kein falsch angrents
halb

Rom. 7.
Philip. 12

Matth. 19
Rom. 14.

Ein Gespräch von

halb haben / nit vns selber darinn wolgefals
fen: Sonder ob wir gleich alles theten / so vns
von Gott gebotten ist / Dennoch bekennen /
wir seyen unnütze Knecht. Das seye nun ges
sagt von dem / wie Christus hie auff Erden
vnsrer weg sein müsse / wenn wir andert wöls
len das er vnsrer weg seye an vnserm letstē end /
vnd vnns vollends hinüber helff in das
Luc. 17. Ewig leben.

3. So sag mir jetzt wie er vns die Waars
heit sein müsse hie in diesem leben: B. Welc
her wil vnd begert das jm Christus am end
seines lebens die Waarheit sey / das ist / das
jm Christus alles treulich halte / was er jm
versprochen vnd zugesagt hat / dem selben
muß Christus hie auff erden die waarheit also
sein / das er sich aller warheit fleisse / vnd an
der warheit funden werde. Sein ding muß
nit lüge / trug / beschiß vnd gleißnerey sein /
sonder der recht ernst vnd grund der warheit.
Dann gleich wie alles das / welches Gott
mit vnd gegen vns handlet durch seinen ges
liebten Sohn Christum / grund vnd bestand
hat / Es ist die klar lauter warheit / Gott ist
nit ein Mann von worten. Also / was wir
gegen Gott oder vnserm nechsten thun vnd
handlen / muß vnd sol auch alles die lautere
warheit sein. Hiezü vermanet vns der heis
lig Paulus / so er spricht: Ir habt Christum
gehört / vnd sind in jm gelehrt / wie in Jesu
Christo

Dem anderen Leben nach diesem.

Christo die warheit ist : Welches man sonst
gemeinlich vertolmetschet hat / wie in Christo Ephes. 4.
ein rechtgeschaffen wesen ist. Gott hasset als
len gleyß / darumb auch Christus vnser Herz
feinen leuten abhölder gewesen ist / wie wir
lesen im heiligen Euangelio / den den Schreis
bern vnd Phariseern / allein vmb jres falsches
vnd gleisses willen. Nun ist aber solche war
heit nicht in vnns von der ersten Adams ges
burt her. Der name vnserer ersten geburt ist /
Omnis homo mendax : Alle Menschen sind Psa. 116.
lugenhafftig. Es ist nichts mit vns dann eys
telkeit / falscher schein / beschiß vnd betrug /
da ist kein auffrecht / warhafftig lauter hertz /
weder gegen Gott / noch der Welt. Derhalb
ben so wir wollen das vns Christus an vnser
rem letzten end (wie oben geredt) die waars
heit sey / vnd vns sein verheissung halte (das
ist aber die verheissung die er vns verheissen /
hat / spricht Johannes / das Ewig leben) so 1. Johan. 2.
muß er vns die warheit auch werden / hie in
vnserem gantzen leben / das wir in im / als
der warheit / auffrecht vnd redlich handeln
vnd wandlen / wie Gott dem Abraham das
eindinget / als er seinen Bundt mit im mas
chet / vnd spricht : Wandlen vor mir / verstehe / Gen. 17.
auffrecht / vnd biß steiff vnd trew an mir.
Also wil er das auch von vnns allen haben.
Derhalbten wir einer newē geburt bedörffen /
die alt Adams geburt thuts nit. Wir haben

Ein Gespräch von

vns auch dessen im heiligen Tauff ergeben/
welcher vns bedeutet / daß vnser erste geburt
kein nütz ist / vnd ertrenckt werden muß / gleich
wie die erste Hundsburt / vnd daß wir newe
Menschen müssen werden / ein anders wesen
an vns nemmen / dauon der heilig Paulus
vil geschriben hat / wie wir den alten Mens-
chen hinlegen / vnd den newen anziehen
müssen.

Rom. 13.
Ephes. 4.
Colos. 3.

Aber wir wollen jetz fürfahren / vnd die vbr-
rigen frucht des glaubens an den Artickel
vom ewigen leben erzelen. Bis har haben
wir angezeigt / zum ersten daß der / welcher daß
ewig leben glaubt / dasselb hertziglich begeren
werde / für das ander / das er dem weg / der
darzū führt / treuwlich werd nachfragen vnd
den suchen / zum dritten / welches der weg
seye / vnd wie man den gehn vñ wandlen / vñ
das jenig / das vns auff disem weg hinderlich
ist / ablegen vnd hinweg thun müsse. Nun
höre jetz weiter warzū dich der glaub an dis-
sen Artickel treiben werde. J. Lieber warzū
H. Zu der Gottseligkeit / zu der Busfertigkeit
zu der Gerechtigkeit / zur haltung der gebottē
Gottes / zu der liebe Gottes / vnd des Nechs-
ten / zur nachuolgung Christi / zu der töda-
tung deines alten Adamen / zum hassz deines
eignen lebens in diser Welt / zur gedult vnd
bestendigkeit in der waarheit bis ans end.

1. Tim. 4.

J. Wie / oder warumb zur Gottseligkeit?
Hans.

dem Leben in Ewigkeit.

B. Also / daß du dich selbs in iren ernstlich ^{2. pet 17}
oben wirst. Dann sie die verheissung hat die-
ses vnd des zukünfftigen lebens.

3. Warumb zur bußfertigkeit? **B.** Dies ^{V.}
weil solch bußfertig new leben (da der mensch ^{Joh. Sp}
anderst gesünet ist / den vorhin / anderst denckt / ^{gen berg.}
redet vnd thut) im menschē würckt das ewig
leben. Denn ein rechter Büßer erkennt Chris-
stum für seinen Sündenträger / todwürger
vnd Hellestürmer / ja für seinen Heiland vnd
Seligmacher. Solche erkantnuß aber ist das ^{Johann. 1}
ewig leben. Lieber / was hat Maria Magda-
lena erhalten / denn jr bußfertiges leben? Wz
hat Petrum erhalten / denn sein bitterlich wei-
nen? Was hat den Schecher ins Paradeiß
bracht / denn sein hertzliche bekantnuß? Sie
haben jr vertrauwen zu Gott gehabt / das ist
inen zum ewigen heil gerathen. Dann er ist
ein Gott / der keinen lust hat an dem todt des
sünders / sonder das er sich bekeere vnd lebe: ^{Ezech. 18}
Darum er auch sagt: Bekeeret euch / so werdet
jr leben. Widerumb was hat Cain / Saul / Zu ^{Matth. 1}
dam verdampft / den jr vnglaub / vñ vnbußfer- ^{Luc. 13,}
tig leben. Dann so jr euch nit besseret / spricht
der Herr / vnd euch umbkehren / werdet jr nit
ins Himmelreich kōmen / sonder ombkōmen /
das ist / verderben. **3.** Warumb zur gerecht- ^{VI.}
keit? **B.** Si weil den fromen vñ gerechte zuge ^{Prou. 10,}
sagt vñ verheissen ist / dz sie vñ tod erlöset / auß ^{Rom. 1.}
irem glaubē leben / durch das Thor des Herrn ^{Psa. 118.}
^{Matth. 2}

Ein Gespräch von

Psal. 15.
Matth. 13. hinein gehn in das ewig leben / in der hütten
Gottes / vnd auff seinem heiligen Berg wohs
nung haben / im reich des Vatters Jesu Chris
sti / wie die Sonn / leuchten sollen / vnd das
V
Sap. 3. ire Seele dermassen in Gottes hand sein werz
den / daß sie kein qual anrühren, vnd kein pein
Psal. 1. Des todts vertilgen möge. Dann Gott kennt
Psal. 10.
Johan. 2. Der Gerechten weg / vnd alle die in fürchten
vnd recht thun / die sind im angenehmen / vnd
von im geboren : wie köndt er sie denn von im
verstoßen ? Aber die vnfrommen vnd wüts
Matth. 7. 25. cher d vngerechtigkeit / wirt er ferz vō im werfz
fen / nemlich / inn die ewige pein. Dann er
kennt sie nicht / darumb das sie nit sein sind.
Dann wer nicht recht thut / der ist nicht von
Gott (spricht S. Johannes) wie kan er den
Johan. 5. als ein Kind Gottes / das reich Gottes vnd
seines Sohns Christi ererben vnd besitzen ?
1. Cor. 6.
Rom. 1. Gottes zorn von Himmel (sagt der Apostel
Paulus) wirt geoffenbaret vber alles Gottz
loß wesen vñ vngerechtigkeit der Menschen /
die die warheit auffhalten im vnrechten. Wo
nun Gottes zorn ist / da kan kein selig leben
sein. Dann die zwey sind wider einander /
wie das auß den Worten Johannis zusehen
Johan. 3. ist / da er spricht : Wer in den Sohn glaubet /
der hat das ewig lebē : wer aber in den Sohn
nicht glaubt / der wirt das leben nit sehen /
sonder der zorn Gottes bleibt ob im.

VII. 3. Wie / vnd warumb wirt der glaub vnd
die

dem onendlichen Leben.

Die hoffnung des ewigen lebens / den menschen zu der haltung der heiligen gebotten Gottes treiben vnd bewegen? H. Christus der Herz zeuget selbs / das seines Vatters gebott sey das ewig leben / das ist / das in dem haltē des gebotts vñ befelchs des Herrn Gottes / das leben stehe / vnd an ein anderen ort / spricht er: Wilt du zum leben eingehn / so halt die gebott. Denn das ist gewiß / der gehorsam gegen dem gantzen gesatz muß hie in diesem leben angehen vnd geschehen. Dann wer vberkleidt wil werden / muß zuuor bekleidet / vnd nit bloß sein. Volkommen sind die gebott Gottes dem Menschen vnmöglich zu halten / aber Gott leßt im auch die Erstling des newen gehorsams vmb Christus willen wolgefallen / ob er schon den zehenden des völligen gehorsams spart in jenes leben. Ja so wol leßt er im gefallen die gehorsamme seiner gleubigen / die sie seinen gebotten nach irem besten vermögen / daß er jnen selbs darreicht durch seinen Geist vmb Christi willen leisten / das er sie vor aller Welt auch hie in dieser zeit durch / vnd in seiner heiligen Schrift leßt außgerüffet / gelobt vñ geprisen werden: Wie wir denn lesen vom Henoch / Noe / Abraham / Mose / David / Ezechia / Zacharia / Elizabeth / vnd vil andern mehr.

3. Warumb wirdt der Glaub an den Artickel von dem Ewigen leben / den menschen

Johan. 1

Matth. 19

2. Cor. 5.
Christ. Last

Eccles. 44

Heb: 11.

Gen. 5. 6. 22

Exod. 4.

3. Reg. 3.

2. Par. 29

VIII.

Ein Gespräch von

zu der liebe Gottes vnd des nechsten treiben?
Rom. 6. H. Paulus sagt: Der tod ist der sünden sold/
aber die Saab Gottes ist das ewig leben in
Christo Jesu vnserem Herzen. Glaub ich nun
jetzt / daß der bitter vnd ewig tod mein lohn
vnd sold ist / von wegen meiner sünd / vnd az
ber Gott auß gnaden mir das ewig vnd selig
leben durch Christum Jesum schencken vnd
geben wil / wie solt es doch möglich sein / Jas
cob / das mein hertz nit von hitz vnd brunst
der liebe Gottes auffbrünne (so oft ich daran
gedenck) vnd das feur der Göttlichen liebe/
in mir dermassen außschlüge / das die flamen
desselbigen auch in allen glidern meines leibs
gesehen möchten werden? Kan auch ein groß
feur in ein offen sich verbergen? J. Ich meis
ne nein: Sonder es macht die Bachlen all
warm. H. Wie solt sich dan dz feur der liebe
Gottes in ein rechtgleubigen hertzen können
Cant. 8. trechen lassen? Die liebe ist gewaltiger weder
der tod. Ire pfeil sind feurin / von Gott an
gezündt. Alle wasser mögen die liebe nit auß
löschten / keine wasserflüß düschen. Ja wenn
ein Mensch all sein Saab vmb der liebe wil
len verthun solte / so wurde ers nicht achten /
wie Salomon redt.
eccles. 12. Niemandt trauwet vnd glaubt sein feindt.
Trauwest du nun Gott vmb das ewig leben /
Jacob. 1. vnd glaubstu seiner zusagung / da er verheißt
1. Cor. 2. die kron des lebens / denen die in lieb haben /

Dem immerwährenden Leben.

So wirts nit möglich sein/ das du Gott feind
seyest/ sonder du wirst in von hertzen müssen
lieb haben / vnd die liebe mit haltung seines
gebotts erzeigen vnd beweisen. **J.** Was ist
sein gebott? **A.** Das wir glauben in den nam
men seines Sohns Jesu Christi/ vnd einans
der lieb haben / wie er vns ein gebott geben
hat/ als **S.** Johannes schreibt in seiner Cano
nick. **J.** Welchen glauben meinet da der heis
lig Apostel? **A.** Es ist in einer summ davon
zureden/ dreyerley glaub. Erstlich ein glaub/
da ich ding glaub/ wie es geschribē steht/ dem
buchstaben nach/ Gott habe Himmel vnd er
den geschaffen / Er habe die Welt mit dem
Sündfluß verschwemmt/ vnd anders mehr/
was denn geschriben steht. Der glaub nun
bringet niemandt ins ewig leben/ Der Teuffel
weiß die ding auch/ vnd glaubt es also. An
andern ist ein glaub / da einer steiff vnd fest
glaubt/ vnd nit daran zweyfflet/ Gott sein alle
ding möglich/ vñ auff solchen glauben hin vn
dersteht er sich grosse ding zuthun/ vñ außzus
richtē im namen vñ durch den namen Gottes/
als teuffel außzutreiben/ vñ anders mehr/ ders
gleichen. Das ist nun auch noch nit der recht
glaub/ vñ dem d' Apostel redt. Dañ der glaub
solche zeichē zuthun/ ist wol ein gaab Gottes/
aber nit die recht sälligmachend gnad Gottes.
Gott gibt offit seine Gaaben auch den verwof
fenen / wie dañ der Gaaben mancherley sein:

1. Johan

A. Blaure

Jacob. 2.

Ein Gespräch von

Einer hat die Gaab die Schrift außzulegen/
Der ander mit sprachen zureden / ein anderer
Teuffel außzutreiben / vnd die Gaaben müß
sen wir nit all notwendiglich haben zur seliga
keit / gar nicht. Man findt vil die deren gaab
ben keine haben / vnd dennoch Gott zugehö
ren / wie man auch hinwider vil findt die solch
gaben haben / vnd dannocht / den rechten sel
ligmachenden glauben nit. Es spricht Chris
tus vnser Herz nit vergebenlich in dem heilis
Matth. 7. gen Euangelio : Es werden vil sage an jenem
tag / Herz / haben wir nit zeichen than / vnd
Teuffel außtriben in deinem nammen ? Vnd
werden doch eben der jenigen sein / zu denen
er sprechen werde / Gehet hin / ich kenn euch nit.
Darumb ist nun das auch nit der recht glaub.
Zu dem dritten aber ist der recht war seligmas
chend glaub / der die verheissung des ewigen
lebēs hat / diser : so ich warlich glaub in Gott /
vnd das durch den er gesandt hat Jesum Chri
stum / vnd zweyffeln nit / alles was Gott ges
than vnd gehandelt hat durch Christum sei
nen geliebten Sohn / das hab er alles mir zu
dienst / mir zu gut / mir zu verzeihung meiner
sünd / mir zu verdienst des ewigen lebens ges
than / es solle alles auß seinen lautern gnas
den mein vnd aller rechtglaubigen eigen sein /
damit ich hie durch in fromm vnd gerecht /
vnd endtlich ewig selig werde / summa / Gott
sey vnd wolle mein Herz vnd mein Gott sein /
Chris

dem Seligen Leben.

Christus mein eigen / vnd ja Gott der Vatter
seye mir alles guts durch Christum. Den glau-
ben versteht der heilig Apostel / so er verman-
t man solle glauben in den nammen des Sohn
Gottes / wölle man anderst sein gebott hal-
ten. **H.** Warauff aber sol vnd muß der glaub
gegründet vnd gebawet sein? **H.** Wiewol
er gebawt ist auff die ganze Göttliche schrift
der heiligen Propheten vnd Apostlen / ist er
doch fürnemlich gegründet auff zweyding/
Erstlich auff den sig den vnser Herz Christus
erlangt wider Teuffel / Tod vnd Hellen / demz
nach am anderen auff das hitzig vnd ganz
einbrünstig gebett / welches Christus gethan
für alle seine gleubigen. Dann er sagt: Vatter
/ ich will / das wo ich bin / auch die seyen /
die du mir gegeben hast / 2c.

Luc. 11.
Heb. 2.
Apo. 12.

Luc. 22.
Johan. 17.

Damit aber nit jetzt einer sag / ich glaub / vñ
ich weiß daß ich den rechten glauben hab / der
mir genugsam ist zum ewigen leben / darumb
bedarff ich weiters nit darzu thun: so lests
der heilig Euangelist Johannes bey dem nit
bleiben / das er gesagt: Das ist Gottes ges-
bott / das wir glauben an den nammen sei-
nes Sohns Jesu Christi / sonder er knüpfet
vnd henckt daran: Vnd lieben vns vnder ein-
ander / wie er vnns ein gebott gegeben hat.
Damit wir lehrnen / das der Mensch ewiges
leben erlange / allein durch den glauben / der
sich an Christum helt / vnd kein vnser werck

IX.

S v

Ein Gespräch von

R. Luther. noch aller Menschen vnd Heiligen / die ehr
vnd rhum habē sollen / doch nit der meinung /
daß man nicht gute Werck thun sol / sonder /
daß man gnad bey Gott / vnd ein ewigs les
ben zuerlangen / allein disen Christum durch
den glauben zuuor haben müsse / Aber nach
vnd neben dem auch gute werck thue / vnd die
liebe beweise / allein dz diser vnterscheid recht
vnd wol gehalten werde / daß man vnserem
leben vnd wercken nicht zumesse die krafft
vnd verdienst / das sie vns hinauff zu dem
Vatter in daß ewig leben bringen / sonder das
hin gerichtet werden / daß allhie auff Erden
Gott dadurch gepreiset / der Nächste gebesse
ret / vnd jederman geholffen werde. Darumb
auch Paulus zu den Corinthiern / nach dem er
Gott danck gesagt hat / daß er vns den Sig
hat geben durch vnsern Herzen Jesum Chris
tum / spricht er nit darauff / darumb so lebet
nun frey dahin nach ewerem willen / vnd las
sen vögelin (wie man sagt) sorgen: Sonder
also sagt er / Darumb meine liebe Brüder sind
fest / vnbeweglich / vnd reich in dem werck des
Herzen immerdar / dieweil ihr wisset / das eu
wer arbeit nicht vergebentlich ist im Herzen.
Gal. 5. Vnd an ein anderen ort: In Christo Jesu gilt
weder beschneidung noch vorhaut etwas /
sonder der glaub so durch die liebe thätig ist.
Luc. 10. J. Wer nun sagt: Ich glaub ein ewigs lebē /
vnd hasset aber seinen nächsten / vnd thut nit
wie

dem ewigen Leben.

wie dort d Samaritan / sond wie der Priester
vnd Leuit / der hat kein rechtschaffenen glaus
ben an den zwölfften Artikel / in dem wir ein
ewiges leben bekennen? **H.** Er mag wol
glauben vnd singen / daß nach diesem elend be
reit sey ein leben in ewigkeit / wie es der teus
fel auch glauben kan / das er aber glaube / vnd
dessen gewiß vnd versichert sey in seinem hera
gen / daß es auch jm (jm / sag ich) bereit sey /
vnd auch er / er / dasselbig erlangen werde /
vnd schon jetzt daß in der hoffnung besitze /
vnd seinen ein vorgeschmack habe / daß thut
er nit. San der geliebt vñ hocheleuchtet Jün
ger Johannes leugt nicht / da er also spricht:
Wir wissen daß wir von dem tod hindurch
kommen sind in das ewig leben. Dann (hie
merck das zeichen / bey dem ers weist) wir
lieben die Brüder. Wer den Bruder nit lies
bet / der bleibt im tod. Wer seinen Bruder has
set / der ist ein Todtschläger / vnd jr wisset daß
ein todschleger das ewig leben nit hat bey jm
bleibende.

1. Johan. 2.

3. Wobey mag man mehr sehen / das einer
den wahren glauben des ewigen lebens hat?
H. Bey der Nachuolgung Jesu Christi / der
als ein vorleuffer vor vns hincin gangen ist in
dz inwendig des fürhang / der auch vñ dē tod
tē erweckt ist / vñ nun lebt vñ ewigkeit zu ewig
keit. Dann also spricht er: Wer mir nachuol
get / der wirt nit wandlē in finsternuß / sonder
wirt

X.

Heb. 9.

Rom. 6.

Apoc. 1.

Joha. 8.10.

Ein Gespräch von

wirt das liecht des lebens haben. Item:
Meine Schaaff hören meine stumm/ vnd ich
fenn sie/ vnd sie volgen mir nach/ vnd ich gib
inen das ewig leben/ vnd sie werden ewiglich
nit vmbkommen. Vnd abermal: Warlich ich
Matth. 19. sag euch / daß jr / die mir sind nachgeolget
in der widergeburdt / wenn des Menschen
Sohn wirt sitzen auff dem Stul seiner Herr-
ligkeit/ werdet jr auch sitzē auff zwölff stülen/
vnd richten die zwölff Geschlecht Israels.
Vnd ein jetlicher der da verlegt Heuser oder
Brüder / oder Schwester / oder Vatter / oder
Mütter / oder Weib / oder Kind / oder äcker/
vmb meines Nammens willen / der wirt es
hundertfeltig nemmen / vnd das ewig leben
ererbē. Wie vnd worinn man aber Christo
nachuolgen soll / haben wir weitleuffig im
Dritten Artickel vnser Vralten vnd Apostolis-
chen glaubens anzeigt: Es zeigt der Herz
auch sebs an mit kurtzen Worten / da er spricht
Matth. 16. zu seinen Jüngern: Wil mir jemandts nach-
uolgen / der verleugne sich selbs / vnd nemme
Colos. 3. sein Creutz auff sich / vnd folge mir. S. Paul
schreibt auch nit wenig dauon. Dann jr sind
(spricht er zu den gleubigen Brüdern in Chris-
sto zu Colossen) gestorben / vnd ewer leben ist
verborzen mit Christo in Gott. Wenn aber
Christus vnser leben sich offenbaren wirdt/
denn werdet jr auch offenbar werdē mit jm in
Gal. 5. der Herzigkeit. So tödtet nun ewere glider
die

dem Künfftigen Leben.

Die auff erden sind / das ist / creutziget euwer
fleisch mit seinen lüsten vnd begirden. Dann
fleisch vnd Blut / mögen das reich Gottes
mit ererben : Wenn wir aber mit Christo ster-
ben vnd dulden / so ist es gewiß / das wir mit
leben vnd herrschen werden. Vnd an ein an-
dern ohrt : Ein jeder sey gesinnet wie Jesus
Christus auch war / 2c. Item : Lasset vnns
lauffen durch die gedult den kampf der vnns
fürgelegt ist / vnd auffsehen auff den Hertzog
gen des glaubens / vnd den vollender Jesum:
Welcher da jm fürgelegt was die fröud / er-
duldet er das creutz mit verachtüg d' schand /
vnd hat sich gesetzt zur gerechten des Stuls
Gottes.

Hat nun Christus der Herz sein leben ge-
lassen / vnd das für vns / vnd in seinem fleisch
gelitten : Warumb wolten dann wir vnser le-
ben so lieb haben / vnnd es nit auch hindan-
setzen / vnd es vmb des Herzen willen verlies-
ren / insonders dieweil wir ein söllliche vers-
heiffung haben / das wir es nemlich erst recht
finden werden. Dann also spricht Jesus
Christus vnser Heylandt : Wer sein leben in
diser Welt hasset / vnd vmb meinet / vnd vmb
des Euangelij willen verleuret / der wirts
erhalten zum ewigen leben. Wer mir dienen
wil / folge mir nach. Vnd wo ich bin / da soll
mein Diener auch sein / 2c. Sag mir eins
Jacob / wenn du an ein ort zu Gast geladen
worest /

1. Cor. 15.
2. Tim. 2.

Philip. 2.
Heb. 12.

XI.

Marc. 8.
Johann. 12.

Ein Gespräch von

werest/ Da man dir vil trachten wurde darzustellen/ vnd immerdar eine besser dann die ander sein wurde/ würdest du dich an der ersten also verhalten / Das du von der andern nichts mehr essen möchtest? J. Wann ich glaubte vnd nit zweyfflete es wurde bessers hernach kommen/ vnd das bald/ so dürfft ich wol das Maul (Das immerdar gern gut ding isset) darauffspitzen/ vnd mir selbst ziehen/ Das ich mich mit der ersten tracht nit überfülle. Ich hort einmal von einem sagen / es were auff eine zeit gewesen/ ein thorechter Mensch, welches Vatter ein gut mahl seinen Freunden zugeriist hat / vnd als er schier zu ende des mals ein gute Gans / herzlich vnd wol zubereitet/ den Besten (bey denen er auch saß) darstellte sienge er (der thorecht mensch) an zu jameren/ vnd sich vbel zu geben. Da sprach der Vatter/ was ist dir mein Sohn? antwortet er anfecklich nichts/ sonder sagt stets/ hey/ hey. Lieber was ist dir? sprach der Vatter noch einmal oder etlich. Hindennach brach er mit dem Butzen heraus/ vnd zeigt an sein anligen vnd sprach: Das ich nichts mehr essen mag/ vnd so genug da ist. Das war die vrsach das rumb er jameret.

B. O Jacob es ist zusorgen/ Das vilen die sich hie in disem leben/ als an der ersten tracht überessen/ auch also ergebn werde/ Das sie nit werden von der letzten tracht essen mögen/
auff

Dem nachuolgenden Leben.

auff der Hochzeit des Sohn Gottes/der das
best zuletzt zugeben pflegt/wie das mit vilen
Argumenten möcht dargethan werden/fürs
nemlich aber mit seim ersten wunderzeichen
das er zu Cana in Galilea gethan hat/auff
der Hochzeit/da man den besten Wein zuletzt
erst auffgestellt vnnnd eingeschenckt hat. Da
werden sie denn auch jamern mit dem Gottz
losen Esau/der vmb einer speiß willen sein ers
ste geburt verkaufft hat/vnd jm den tisch zum
strick hat werden lassen: Vnd werden sagen/
wie im Buch der Weißheit geschriben steht.
Was hat vns nun vnser hochfart nutz bracht?
Oder was hat vns genützt der pracht vnserer
reichtragen? Die ding sind hingingen wie
ein schatten/2c. Darum thet jm Moses recht/
welcher durch den glauben verleugnet/da er
groß ward ein Sohn zuheissen der Tochter
Pharaons/vnnnd erwehlet vil lieber mit dem
volck Gottes vbels zuleiden/dann die zeitlis
che ergötzung der sünden zuhaben/vnd achs
tet die schmach Christi für grösser reichthumb
dann die schätz Egypti: dann er sahe auff die
Belohnung. Hans. Ja/vnnnd alle die ein
wahren glauben haben/vnnnd das ewig leb
ben nach disem hoffen werdens in dem stuck
Mosi nachthun/vnnnd sich auch nichts inn
diser Welt hindern lassen/auff Gottes weg
zum ewigen leben/der wol eng ist/aber nicht
läg/vñ ein gut end hat: wie S. Paulus sagt:
Nun

Johan. 1

Gen. 25.

Heb. 12.

Psal. 69.

Sap. 5.

Heb. 11.

Ein Gespräch von

- Rom. 6. Nun aber so jr von sünden frey sind worden/
vnd Gott dienen/ haben jr ewere frucht/ das
jr heilig werden. Das end aber ist das ewig
Leben.
- XII. 3. Nun du hast droben gesagt / das der
glaub an disen zwölfften Artickel von dem es
wigen leben / den Menschen auch treibe zu
der gedult vnnnd Beständigkeit: Auß welcher
Schrift nimmst du das? H. Christus spricht
Luc. 22. zu seinen Jüngern / jr sind die / die beharret
haben bey mir in meinen ansechtungen. Vnd
ich wil euch das reich bescheidē / wie mir mein
Vatter bescheiden hat / daß jr essen vnd trin-
cken sollen ob meinem Tisch in meinem reich
Psal. 149. (da wirt recht gut leben sein) vnd sitzen auff
stülen (da wirt beständige ruw sein) vnnnd
richten die zwölff geschlecht Israels (solche
ehr werden alle Heiligen Gottes haben.)
Vnd an ein anderen ort: Bis trew (spricht er)
bis in den todt / so will ich dir die kron des les-
bens geben. Item: Wer vberwindet / dem
Apoc. 2. will ich züessen geben von dem holtz des les-
bens / das da ist mitten im Paradeys Gottes.
Rom. 2. Vnd Paulus schreibt / daß Gott geben werd
preiß vnd ehr / vnnnd daß vnzergänglich wes-
sen / denen die mit gedult in guten wercken
trachten nach dem ewigen leben. Vnnnd S.
Jacob. 1. Jacob spricht: Selig ist der Mann / der die
versuchung erduldet. Dann nach dem er bez-
wert ist / wirt er die kron des lebens empfahē/
welche

Dem besten Leben.

welche Gott verheissen hat / denen die in lieb
haben. Wer das glaubet / solt er nit lauffen 1. Cor. 9.
biß ers ergriffe? Solt er nicht streiten / biß 1. Tim 5.
er überwünde? Solt er sich nit gern leiden / 2. Tim. 2.
wie ein guter Kriegsmann Christi?

3. Was wirt diser glaub weiter außbrich- XIII.
ten beim menschen? S. Er wirt in freyen vñ
ledigen von dem geitz / vnd vnnützer sorg für Luc. 12.
das zeitlich leben. Dann Christus spricht /
sehet zu vnd hütet euch vor dem geitz: Dann
keines leben wirt erhalten in vberfluß seiner
güteren. So das hertz sich Götlicher Hulde
versicht / vnd sich darauff verlest / wie ist es
möglich / das der solt geitzig vnd sorgfelig
sein? Er muß ohn zweyffel gewiß sein / das Luther.
sich Gott sein annemine / darumb fläbet er an
keinem Gelt / er gebraucht das sein mit fröli-
cher miltigkeit / dem nechsten zu nutz / weist
wol das er werd genug haben / wie vil er hin-
gibt. Dann sein Gott dem er trawet / wirt Psa. 37.
im nit liegen / noch verlassen. Solt er nun dis Matth.
sen der im das ewig leben zugesagt hat / nicht
auch vmb das zeitlich trawen?

In summa / wer von hertzen glaubt / das XIIII
im durch Christum / das ewig lebē geschenck
seye / vnd das in Gott auß gnaden schon
zum ewigen leben verordnet / vnd zum erben
aller Himmelschen güter angenommen habe:
Der wirt sich mit allen krefftten bemühen / ar-
beiten / vñ vnderstehn / das er ein söllichs lebē

¶

Ein Gespräch von

Brennus. In diser welt führe/welches dem ewigen leben
gezimpt vnnd wol ansteht / vnnd dem selbigen
gar gemäß sey / vnnd wirt also das jenig/
so er mit hertzen glaubt / erzeigen vnd beweisen
mit der that. Dann dieweil vnd daß/das
man ein sonst gibt vnd schencket / durch vns
danckbarkeit widerumb entzogen vnnd genommen
mag werden : so ist es vonnöden/
das wir mit gehorsamkeit / frombkeit vnd er-
barkeit des lebens vnser danckbarkeit gegen
Gott erzeigen in diser zeit / vnd mit höchstem
fleiß ein solliches leben führen / das sich zur
wohnung vnd Herberg im Himmel droben
wol schicke vnd füge. Dann wir sind (spricht
S. Paul) durch Christum Jesum zum erbs-
theil (des ewigen lebens) kommen / die wie
vorhin verordnet sind nach dem fürsatz des
Der alle ding würcket / nach dem rath seines
willens / auff das wir seyen zu lob seiner Herr-
lichkeit / die wir zuuor auff Christo hoffen.

Es ist wol waar / Bruder Jacob / wie du
dann das mehr denn einmal von mir gehöret
hast / das vnser thun vnd lassen / leiden vnnd
meiden / gehorsamkeit vnd vnderthänigkeit /
tugenden vnd gute werck / das ewig leben nit
verdienen / auch nit von vns als verdienstlich
zur seligkeit erfordert werden. Dann verzeis-
hung der sünd vnd ewigs leben / werden er-
langt durch den glauben an Christum / als
die schrift heiter bezeuget. Dann durch den
glauben

Johann. 3.

dem aller Seligsten Leben.

glauben werden wir Kinder Gottes. Sind wir nun Kinder / so sind wir auch erbē / vñ das auß gnaden ohn vnser vñ aller welt verdienst. Kein Kind kan seines Vatters erbschaft verdienen : sonder so bald es dem Vatter geboren wirt / so bald wirt es auch sein erb. Jac. Es kan aber sich dermassen halten / das es der Vatter enterben mag. H. Das ist doch das ich sagen wil. Dann der Herr spricht dort im Euangelio nit vergebens zu den Kinderen des reichs / die er vergleicht einem ungehorsamen Sohn / zu dem sein Vatter spricht / gehe hin mein Sohn / vnd arbeit heut in meinē Weinberg / vnd der Sohn spricht / Herz ja / vñnd geht aber nicht hin : Darumb sag ich euch / das Reich Gottes wirt von euch genommen / vnd den Heyden gegeben werden / die seine frucht bringen. Vñnd an ein anderen ort : Ein jetliches Schoß (spricht er) an mir / das nit frucht bringet / wirt mein Vatter abschneiden. Derhalben werden von vns die frucht des glaubens / vnd die guten werck erfordert / als bewårnussen vnd zeugnussen vnser glaubens / welche vns versichern vnd gewiß solz len machen / das wir ein wahren rechtgeschaffnen glauben haben. Vnd wir sind auch auß not schuldig die selbigen zuthun / vñnd das mit allem eyfer vñnd ernst / auff das wir in Christo dem Sohn Gottes (der das ewig leben selbs ist) bleiben / vnd in behalten / vñnd

Johan.
Rom. 8.

Matth. 1

Johann. 1

Tit. 2. 9.
1. Johan.

℞ ij

Ein Gespräch von

Gott bewegen vnd reitzen / das er sein güte/
gnad vnd wolthat / je lenger je mehr gegen
vns erzeige / vnd in dem selbigen gnediglich
fortfahre : Ja das wir den Heiligen Geist/
durch Christum empfangen / mit vbertretung
der Göttlichen gebotten nicht außlöschten.

Brentius. Dann wo der außgelöscht vnd hingenommen
wirt / da kan nichts guts oder seligs im mens-
chen vberbleiben : welches wir mit des einis-
gen Adams exempel beweren mögen. Dana
derselbig war gar nit auß seinem verdienst zu
einem menschen auß dem Erdflozen erschaf-
fen nach der bildt nuß vnd gleichnuß Gottes/
voll heiliges Geists / voll aller Göttlichen tus-
genden / so vil dem Menschen zumulich ist
die zu haben. Darumb ist jm ein gebott ges-
ben worden / das er nit esse von der frucht des
Baums der erkantnuß gutes vnd böses.
Warumb meinst du nun das jm dises gebott
geben sey? Das er mit haltung dises gesetzes
den heiligen Geist / vnd das gut leben im Pa-
radeiß verdienete? **J.** Nein. Er hat doch
voranhin ohn allen seinen verdienst den heiligs-
gen Geist empfangen / vnd das Paradeiß
schon inngehabt. **B.** So ist jm nun das ges-
bott darumb gegeben worden / daß er in dem
selben seinen heiligen Geist vbete. Als er az
ber dis gebott vbertreten hat / was ist gesches-
hen? Hat nit alles das / daß er vom heiligen
Geist gehabt hat / verloren? Ist er nicht in
den

dem Ewigen Leben.

Den gewalt des Sathanischen geists geworff
fen worden? Also werden vns auch die gut
ten werck / nach dem wir durch den glauben
alle Himmelische güter Besitzen / gebotten/
nit das wir durch sie die gerechtigkeit vnd ses
ligkeit verdienen / sonder das wir durch Böse
werck die empfangene güter nicht verlieren.
Darumb lieber Bruder / seitmal wir durch
Christum wider geboren sind / zu der erbschafft
aller Himmelischen gütern / so lasset vns dapf
fer an die hand nehmen vnd angreifen die
guten werck / die von Gott vns gebottē sind /
damit wir nicht durch verletzung des Göttlich
chen gesetzes von Gott vnserem Vatter enters
bet / vnd in die auffersten finsternuß geworff
fen werden. Dann Gott ist nicht vngerecht
(spricht der Apostel) daß er vergesse ewers
wercks vnd arbeit der liebe / die jr Bewieße
habt an seinem namen / da jr den Heiligen dies
neten / vnd noch dienen. Damit wir aber vns
seren glauben mit guten wercken also bezeus
gen vnd zieren mögen / wie wir bis har dauon
geredt haben / so lasset vns mit erkantnuß
vnd bekantnuß vnser vngläubens / vnd
mit bußfertigen vnd demütigen hertzen ohn
vnterlaß vmb den rechten glauben vnd meh
rung desselben bitten : Vnd den Vatter aller
gnaden vnd Barmhertzigkeit in dem namen
Jesu Christi seines geliebten Sohns / vnser
einigen mutlers vnd Heilands anruffen / vnd

Heb. 6.

Ein Gespräch von

mit ernstlichem flehen vnd seufftzen / seinen
Heiligen vnd guten Geist von jm Begeren/
auff daß wir endlich erlangen daß ewig vnd
selig leben : Welches niemandt empfahen
mag/ er hab dann disen Geist. Dann wer jm
Rom. 8. mit hat / der gehdrt Christo (der das ewig les
Joha. 4. 7. ben ist) nit zu. Vnd wenn er gleich des bes
sten wassers trunck daß auff erdē ist / so wurd
er doch nit ersettigt: wie der Herz Jesus zum
Samaritischen Weib sagt bey S. Jacobs
Brunnen: Wer des wassers trinckt (sprach er)
den wirt wider dürsten. Wer aber von dem
Wasser trincken wirdt das ich jm gib (das
sagt er aber von dem heiligen Geist / der da
lebendig machet) den wirt ewiglich nit fürs
sten/ sonder das Wasser das ich jm geben wer
de/ daß wirt in jm ein brun des wassers wer
den/ daß in daß ewig leben quillet. J. Ach
der liebe Herz Jesus Christus gebe vns / vnd
allen denen die es von hertzen begeren/ von di
sem edlen vnd lebendigem wasser zutrinken
vmb seines heiligen vnd heilsamen namens
willen/ vnd vmb seiner gute vnd trew willen/
Amen. H. Biß nun guts muts/ mein Brus
d r/ der Herz wirt dir so wenig diß wassers
abschlahen / wenn er sich schon ein zeitlang
gegen dir stelt/ wie gegen dem Cananeischen
Matth. 15. Weib / daß ist/ nit anderst/ dann als wolt er
dir nit ein tröpfflein von disem wasser geben/
ja so wenig/ sag ich/ als ein Vatter oder Mut
ter

Dem Seligen Leben.

Er irem lieben vnd leibeignen Kind in seim grossen Durst ein trunck wasser abschlahē kan/ ja vil/ vil minder. Dann er sagt: **U** jr alle die Dürstet / Kommet zu dem wasser. Vnnd wer Dürstet / der Komme : Vnnd wer da will/ der nimme das wasser des lebens vmb sonst. Bittet nun / so wirt euch gegeben: Suchet/ so werdet jr finden: Klopffet an/ so wirt euch auffgethan. Dann wer da bittet / der nimpt / Vnd wer da suchet/ der findet. Vnd wer da anklopffet / dem wirt auffgethan. Wo bittet vnter euch ein Sohn den Vatter vmb Brot/ Der jm einen stein dafür Bieter? Vnd so er vmb einen fisch bittet / Der jm ein Schlangen für den fisch Bieter? Oder so er vmb ein Ey bittet / D jm ein Scorpion dafür Bieter? So dann jr die böß sind/ Können euwern finden gute Gaben geben/ wie vil mehr wirt der Vatter im Himmel den heiligen geist geben denen die in bitten? Nun aber sind alle Gottes verheissungen in Christo Jesu seinem Sohn Ja vnd Amen/ Gott zu ehr durch vns/ wie geschriben steht. **3. Ey** so sey dem selbigen Gott vnd Vatter vnser Herzen vnd Heylands Jesu Christi / der da lebt von ewigkeit zu ewigkeit/ lob vnd ehr/ preis vnd danck/ krafft vnd gewalt/ weißheit vnd stercke inn ewigkeit / vnd das durch disen Jesum Christum vnsern lieben Herzen vnd Seligmacher/ Amen.

Esa. 55

Apoc. 22

Luc. 11

2. Cor 118

Ein Gespräch von

H. Begerst du sonst nichts mehr zu wissen vñ der Auferstentnuß des fleischs vñ von dem ewigen Leben? J. Ich möcht wol gern mehr wissen vñ von dir hören/aber ich sorg/ich hab dich sonst schier zulang besmüt mit fragen / Doch wenns dir nit zwider ist / wolt ich gern von dir verstehn / was S. Paul mit dem meint / da er schreibt zun Ephesern : Gott hat vns mit Christo lebendig gemacht / vñ hat vns mit im aufferweckt / Dann das laßt sich ansehen / als wenn schon die Auferstentnuß von dem todt zum leben geschehen sey / so wir doch in vnserem glauben bekennen / sie sey noch künfftig vñ werde geschehen. H. Die Schrifft redt vilmalen von künfftigen / als von gegenwertigen oder schon vergangenen dingen / vñ das von wegen der gewisse : das es so gewiß ist / vñ eigentlich war wirt (was Gott verheißt) als wenn es schon wär. Also sind wir mit vñ in Christo aufferstande / verstand in der hoffnung / das ist / lebendig vñ selig worden / Dann wie er am dritten tag erstanden ist von den todten / vñ fürthin nit mehr stirbt / also werden wir durch die krafft seiner Auferstentnuß auch Auferstehn zum ewigen leben am Jüngsten tag. J. Noch dann so muß auch hie ein Auferstentnuß sein. Dann ic Christus Jesus nit vergebens sagt im heiligen Euangelio : Wahrlich sag ich euch : Es kompt die stund /

Ephes. 2.

Rom. 8.

Johan. 5.

vnserer Außerstennuß.

stund / vnd ist schon jetz (jetz) das die todten
werden die stumm des Sohns Gottes hören:
vnd die sie hören werden / die werden leben.
H. Du sagst recht. Dann es ist zweyerley
Außerstennuß : Die erste ist Geistlich vnd
geschicht hie / Die ander ist die Außerstennuß
des fleisches / von deren wir im eilfften
Artickel vnser glaubens haben / vnd wirdt
geschähen am Jüngsten tag. Selig aber vñ
Heilig ist der (spricht die W'schafft) der theil
hat an der ersten Außerstennuß / das ist /
hie mit Christo von den todten / auffsteht / vnd
Christo in dem / daß er am dritte tag erstanden
ist von den todten / nachuolget : Welche nach-
uolgung auch ein frucht ist des glaubens /
beide an vnser leibs vñnd Christi Außers-
stehung / deren alle wahre gleubige nach-
trachten sollen / auff das sie die erlangen. Dañ
wollen wir am Jüngsten tag erweckt werden
zum ewigen leben / so müssen wir vorhin inn
diesem leben auferstehn zu einem neuen /
Christlichen vñnd Geistlichen läben. Dann
der Apostel sagt : so der Geist des / der Jesum
von todten auferweckt hat (das ist Gottes
Geist / der den menschen new gebürt / vnd leb-
endig macht) in euch wonet / so wirt auch
derselb / der Christum von den todten außers-
weckt hat / ewere sterbliche Leib lebendig ma-
chen vñnd des willen / das sein Geist ihn euch
wohnet.

Apo. 20.

Rom. 8.
Johan. 5. 28.

Ein Gespräch von

J. Wolan so sag mir jetz auch / wie wir in
diser welt mit Christo von den todten auffers
stehn sollen. **B.** Von diser aufferstehung die
da ist der Seelen / vnd hic in diser zeit gesche
hen soll / in allen denen die mit ihren leiberen
am letzten tag zu der ewigen seligkeit vnd herz
ligkeit erstehn wollen / sagt die Schrifft an
vilen orten: Vnd das nicht ohn vrsach oder
vergebens. Dann erstlich / so ist es billicher
dann billich / das wir Auferstanden / die weil
Christus der Herr auferstanden ist. Dann
wie vbel wurde es lauten / wenn ein reicher
vnd gewaltiger Herr in diser welt am morgē
frū auffstünde / vnd seine knecht im Betth still
ligen wolten / schlaffen vnd schnarchlen bis
auff den mittag: Also will es sich auch nicht
reimen / das einer Christ ist erstanden sing /
vnd im betth still lige / vnd faule. Dann zu
einem solchen möchte man wol sagen / wie dort
Prou. 6. Salomon spricht: Gehe zu der Ambeissen
du fauler / vnd nimm ir übung war / das du
weiß werdest. Sie hat keinen Fürsten / keinen
treiber noch Herzen / noch samlet sie speiß im
Sommer / vnd tregt in der Ernd narung zus
ammen. Du träger wie lang wilt du schlaf
senz? Wenn wilt du von deinem schlaff auff
stehn? So ist es auch von des wegen billich /
die weil wir solches dem Herzen im heiligen
Tauff zu gesagt haben / welcher ein Bad ist
Tit. 3. der Widergeburth / vnd erneuerung des heil
gen

der Auferstehennuß des fleischs.

gen Geists/ welchen Gott außgossen hat / vñ
ber vns Reichlich / durch Jesum Christum vns
seren Heyland / auff das wir durch deß selben
gnad gerecht gemacht Erben seyen / des ewi-
gen lebens nach der Hoffnung. Nun aber
ist es billich / das man halte / was man zusagt
vnd verheißt.

Zum andern ist es auch recht / ja Göttlich /
Dann Gott der gerecht vnd allweg gut ist /
hat solches geheissen vnd gebotten. Darumb
spricht er : Wach auff der du schlaffest / vñ
stand auff von den todten / so wirt dich Chris-
tus erleuchten.

Esa. 60.
Ephes. 5.

Vnd abermals / wisset ihr nicht / das alle
die wir in Jesum Christum Taufft sind / die
sind in seinen Todt getaufft : So sind wir
je mit ihm begraben durch den Tauff in den
tod / auff das gleich wie Christus ist außers
weckt von den todten / durch die herzigkeit
des Vatters / also wir auch in einem neuwen
leben wandlen sollen / 2c.

Rom. 6.

Zum dritten ist es auch von nöten / das wir
mit Christo hie außerstande zur newerung
eines guten lebens / so wir anderst vnuerletzt
vnd sicher sein wöllen vor dem andern todte vñ
fexorigen Teich / vnd aber sehen / ja eyn gehn
in Gottes reich. Dañ in Christo gilt weder be-
schneidung / noch vorhaut etwas / sonder ein
newe Creatur (wie Paulus schreibt : welches
von Christo gelehret hat / der da sagt zu Ni-
codes

Apoc. 20.

Gal. 6.
Johann. 6.

Ein Gespräch von

codemo : Warlich / warlich sag ich dir / es sey
dann das jemandes von newem geboren wer-
de (auß dem wasser vnd Geist) mag er das
Reich Gottes nit sehen / vnd nit darein kom-
men. Zu dem so wissen wir wol / was dort
die Engel sagen zu den Weiberen beim Grab
des Herzen : Was suchet jr den lebendigen
Luc. 24. 20. bey den todten? Vnd an ein anderen ort der
Herz selbs : Gott ist nit (spricht er) ein Gott
der todten / sonder der lebendigen. Derhalb
ben wëllen vnd sollen wir vnser Herzgotts
sein vnd bey Christo wohnen / so müssen wir
von den todten erstehn vnd lebendig werden.
Aboc. 3. J. Muß das aber hie geschehen? B. Ja auch
Matth. 8. hie. Jac. Wir leben doch / vnd sind noch nit
Esch. 18. all gestorben. B. O Jacob / es sind vil / die
Esa. 59. den nammen haben / das sie leben / vnd sind
Sap. 1. aber tod. Dann die Seel die da sündet / die
Eccles. 12. wirt sterben / vrsach : die sünd scheidet den
menschen von Gott der das leben der seel ist.
vnd ist wie ein scharpff Schwert / ja wie ein
Schlang / welcher Zän sind wie Löwen Zän /
vnd tödren die Seelen der Menschen / Sabet
i. Tim. 5. Paulus sagt von den geilen Wittwen : Wel-
che in wollüsten lebt / die ist lebendig todte.
Also was auch mit lebendigem leib tod an
Luc. 15. der Seel der verloren Sohn / do er noch ein
vngheorsam kind / ein Schlemmer vnd ein
Bürer war / wenn ein menschen augen nicht
mehr sehen / vnd seine ohren nit mehr hören /
vnd

Aufferstentruß des Menschen.

vnd der ganze leib erstarret ist / so zweyfflet
niemandts daran / das er gestorben sey / vnd
die Seel dauon zogen. Wer nun so verdunck
lete Augen des hertzens hat / das er das klar
vnd hell Licht / welches die Warheit ist / nicht
sicht / vnd Gottes stumm mit innerlichen Oh
ren nicht hört / noch vernimpt / vnd ohn alles
empfinden ist / meinst du das desselben Seel
lebe? Er sieht das sein Bruder gewalt vnd
vnbilligkeit leidet / sein gemüt aber wirt das
rab nit bewegt noch bekümmeret / allein das
sein sach wol stande: Warumb empfindt da
sein Seel nichts? ohn zweiffel darumb / das
sie tod ist / warumb tod? Darumb das sie je
leben nicht hat / welches Gott ist. Dann wo
Gott ist / da ist liebe. Dann Gott ist die liebe.
Sonst wo er ein lebendig Glied were / wie solt
es möglich sein / das er nit auch trawrete / vnd
auff das wenigst empfunde / wenn jenen ein
Glid am Leib trawrigkeit vñ schmerzen hat?
Daher Johannes sagt: Wir wissen das wir
von dem tod hindurch kōmen sind in das le 1. Joha. 3. 4.
ben / dann wir lieben die Brüder. Wer den
Bruder nicht liebet / der bleibet in dem Tod.
3. Wenn das zeichen sind der todten Seelen /
so sind gewiß vil leut lebendig Tod. 4. Da
sag von. Aber niemandts sieht die sterbende
Seel / wenig glaubens / gar wenig fürchtens /
so doch der Seelen tod so vil schrecklicher ist /
dann des Leibs / als vil die Seel vber den leib
vnd

Ein Gespräch von

vnd Gott vber die Seelen ist/ aber wer erkent
solches? Wer beweinet? wenn ein ein lies
ber mensch leiblich stirbt/ so gehet man sich
bitter vbel. Aber den tod irer eignen Seelen
Beweinen wenig.

3. Wie sollen wir aber lebendig werden/
vnd mit Christo vom tod auffstehn? **Heb. 6.**
Wenn wir ein mal durch den Tauff von den
todten wercken (wie es der Apostel nennt)
von allen macflen gereiniget / vorthin in ein
newen leben wandlen / vnd nit allein vns nit
wider im Bat waltzen / von dem wir gesebes
ret sind / sonder auch durch alle grad vnd stafs
fel der tugenden zur volkommenheit eilen / so
Rom. 6. so sind wir mit Christo schon aufferstandens/
welcher von todten erweckt ist / vnd forthin
nicht mehr stirbt.

Im exempel des verlorren Sohns magstu
frey sehen / wie wir von vnserem sündlichen
Rom. 8. vnnnd fleischlichen leben (welches den tod
bringt) auffstehn sollen / vnnnd treten in ein
new vnd Gottselig leben / vnnnd also etlicher
maß Christo in dem nachfolgen / das er von
todten erstanden ist / vnd wider lebendig wor
Luc. 15. den / Dann der Vatter desselbē Sohns sprach
also : Diser mein Sohn was tod / vnd ist
wider lebendig worden : er was verlorren / vnd
ist funden worden. Dann wer zuuor vbel ges
lebt hat / vnd aber jetzt nit mehr vbel / sonder
wol vnd recht lebt / der ist warlich auffstandens/
den/

Der Auferstehendenuß des Fleischs:

den / Wer vorhin die zeitlichen Güter vnd
Creaturen lieber hat gehabt / denn das ewig
güt / den Schöpffer aller dingen : vnd gelebe
der menschen lüsten / vnd nit dem willen Gots
des Vatters : die gaaben Gottes nit wol
angelegt / sond misbraucht / nit ein nüchtern
vnd züchtigen wandel gfürt / sonder ein vns
keuschē vnd vnzüchtigē: der welt vnd dem teu
fel / vnd nit Gott dē Herrn gedient / von Gott
sich geweteret vnd nit genchert / im den ruckē
bottē / vnd nit das angesicht : in sünden sicher
gelebt / vnd nit erkennt vnd bekennet : vnd thut
aber jetz das widerspil / würckt wahre büß / vñ
glaubt in Christū / hört vnd volget seiner stim /
Der ist recht vom tod erstanden. Dann ich
bin das Licht der welt (spricht Jesus) wer
mir nachuolget / der wirt nit wandlen in fins
sternuß / sonder wirt das licht des lebens ha
ben. Item : wer sein leben in diser welt has
set / der wirt erhaltē zum ewigen leben / Mans
cher hat sein leben / dz ist sein wollust vñ fröud
im weinsauffen : ein anderer Gelt samlen : ein
anderer in Huren vnd bübenwerck : ein ande
rer im raßlen vnd spilen : ein anderer in ande
ren wercken des fleischs. Wer nun mit Chris
to / zum wahren leben erstehn wil / der müß
vorhin disem weltlichen vnd fleischlichem lebē
absterben / vrlaub geben / vñnd es verlieren.
Dann so jr durch den Geist spricht (Paulus) Rom. 8.
Des leibs werck tödten / so werdet jr leben / auß
dem

Joh. 9. 5. 10.


Joha. 8. 12.

Rom. 8.

Gespräch vñ Vffersteintnuß der Todten.

Dem tod kompt diß leben/ das nit mehr stirbt.
Zauler. Es ist kein warer vnwandelbar leben in vns/
Dann das auß dem tod kompt. Sol Wasser
heiß werden/ es muß der kelte absterben. Sol
holz feur werdē / es muß seiner naturen sters
ben. Der nun mit Christo nit wil sterben/ wie
Colos. 3. soll der auffstehn? S. Paulus spricht Ir
sind tod/ vnd ewer leben ist verborgē mit Chri
sto. Es muß etwas kosten/ Das nichts kostet/
Das gilt auch nichts. Der lieb wil haben/ der
muß liebe lassen/ Der Christo/ der für vns ges
storben vñnd auffstanden ist/ wil leben/ der
muß im selbs nicht leben / sonder absterben.
Dann wir (spricht der Apostel) die wir leben/
Cor. 4. 5. werden imerdar in tod gegeben vmb Jesus
willen/ auff das auch das leben Jesu offenbar
werde/ an vnserem sterblichen fleisch. Kurtz
umb/ wer der Auffsteinnuß von den todten
begegnet soll vnd will/ der muß sich befließ
Philip. 3. sen/ das er auch dem tod Christi gleichförs
mig werde. Das wir diß thun/ vñ jenes
erlangen mögen/ darzu helf vnns
Gott Vatter / Sohn vnd Heil
liger Geist/ Amen.


Ende des Gespräch Büchlin.




755010

x 2256277

AB 155010





Centimetres

Farbkarte #13

B.I.G.

Blue	Cyan	Green	Yellow	Red	Magenta	White	3/Color	Black



ehr
nach!

des
m

ers.



dep

